



ル 5
1575
80



門九〇五
1575
80



重修安徽通志卷二百四十三

人物志

孝友十

廬州府

漢毛義字少節廬江人以孝行稱南陽張奉慕其名往候之府檄適至以義守安陽令義奉檄而入喜動顏色奉心賤之及義母卒去官後舉賢良公車徵不至奉歎曰賢者固不可測往日之喜迺為親屈也章帝下詔褒美常以八月遣長吏問起居後漢

書傳

齊王虛之字文靜廬江人父母喪鹽酢不入口武帝永明中詔

榜門蠲其三世南史本傳

唐張進昭巢縣人母患狐刺墮左手死進昭截左腕廬於墓詔

重修安徽通志

卷二百四十三

人物志

孝友

一

廬州府

旌其門閭賜束帛

唐書孝友傳敘

徐行周舒城人數世同居詔旌其門

唐書孝友傳敘

葛

舊作萬據唐書改

敬廬州人三世同居親喪廬墓刺血寫浮屠書斷

手二指

輒復生州改所居曰成孝鄉廣孝聚大中時表其家

唐書

唐海巢縣人母喪廬墓躬耕以祀田中忽產嘉禾一本六穗刺

史裴靖作嘉禾表以聞

一統志

宋王光濟廬州人母喪刻像事之如生咸平二年詔旌之

宋史本傳

何宗壽梁縣人母病刲股以進得愈

江南通志

李吳貞合肥人九歲時母病刲股以進其兄曾貞年十六亦刲

股以進病得愈

江南通志廬州府志

方孝子無為人失其名母目雙盲每旦以舌舐之復明

江南通志

趙廣廬州人八世同居淳化二年賜詔旌表門閭

宋史許祚傳

余元璨舒城人母疾刲股進得愈同邑汪安淵母病刲股進得

愈又有檀念二者母病鑿左脛骨寸餘取髓食母遂愈以上三

人皆淳熙間詔付史館令有司依例優給碑刻尚存

江南通志廬州府志

元羊仁廬江人至元初烏珠兵南下仁家為所掠父被殺母及

兄弟皆散去仁年七歲賣為汴人李子安奴力作二十餘年子

安憐之縱為良仁蹤跡得母於潁州蒙古軍塔海家兄於睢州

蒙古軍岳納家弟於邯鄲連大家皆為役尚無恙乃徧懇親故

貸得鈔百錠歷詣諸家贖之更六年大小二十餘口復得完聚

為良鄉里美之大德十二年旌其家

元史本傳

季原禮無為人親喪廬墓三年不食鹽醬孫立曾孫廷春居父

母喪並如之人謂一門純孝一統志

明吳敬無為人母疾割肝煎湯母愈而敬不傷事聞太祖官以

贊禮郎一統志

向侃字希顏廬州人永樂甲午舉人宣德初判靜甯州未幾裁

缺巡撫獨奏畱之擢御史出知澂江府侃天性孝友兄弟五人

白首同居妻亡鰥居四十年一統志

高興合肥人父歿廬墓三年服闋親鄰勸歸有白鵲數百大如

鶴鶴隨後翔空而集於宅良久乃去同邑張俊母卒廬墓天順

間同得旌一統志 明史孝義 江南通志

丁華一無為人兄弟五人不忍析居相與誓天折梅五枝共接

一本各識之祝日如一枝枯即某有異心後五枝俱秀實鄉里

驚歎號五果丁氏一統志

盛宗巢縣人髫齡中母被兵掠後聞人言在永平走數千里尋

之染疫歸復籲天而行果得重聚買車載歸母年九十六卒廬

墓三年廬州府志

錢敏字志學舒城人永樂辛丑進士乞養還鄉母卒廬墓宣德

間旌一統志 明史 孝義傳敘

胡紀字大年舒城人永樂甲午舉人官吏部主事父母卒廬墓

同邑王紹字繼學由進士官御史母卒廬墓皆正統間旌一統志

明史孝義傳敘 江南通志

張政廬江人父喪廬墓虎不為害正統六年旌一統志 明史 孝義傳敘 江南通志

宋驥舒城人官修武令解組歸凡事必稟母命及卒廬墓三年

廬州府志

陳暹舒城人早喪父母疾顛天求代及卒未葬火延房屋暹伏

棺哀號風反火息既葬廬墓三年廬州府志

孫剪兒舒城人家貧採樵以供母及卒露宿墓側鄰翁憐之為

結廬墓傍鵲巢樹上悲鳴相應兩虎繞廬達旦而去日以爲常

刻木肖像奉侍終身一統志 江南通志

沈謹合肥人母喪哀毀廬墓因築牆而泉湧足供墓間灌汲哭

奠則鵲哀鳴成化間旌一統志 明 史孝友傳敘

朱世藩合肥人幼孤事母孝母卒齧棺呼號口眼血出遂喪明

奉旨旌江南通志

朱震廬州人成化間廬郡火災連焚數百家至震所居火忽飛

越而過震室巋然獨存知府米鏞深爲獎慰士大夫賀之有孝

行格天天監德當年飛火過鄰家之句江南通志 新增

李善廬州人事繼母丁極孝樵採易米竭力供膳母患瘍割股

以療之江南通志 新增

衛郡合肥人母病篤思飲泉水是年旱無泉叩天掘井泉水湧

出母飲之而愈人謂之衛孝泉奉旨旌江南通志

張梅合肥人母疾嘗糞嘗痰復病疽吮出膿血得愈父歿廬墓

奉旨旌一統志 江南通志

鄭元合肥人五世同居宏治間旌明史孝友傳敘

沈秉直合肥人年十二一夕比鄰望其家有彩雲巨星之異其

相驚咤已而知其是夜割股療母疾也奉旨旌一統志 江南通志 廬州府志

張四象舒城人祖母病割股療之同邑庠生趙密母病割股進

得愈廬州府志

蔡性大合肥廩生居親喪廬墓三年同邑庠生鄭杲父卒廬墓
哀毀骨立遂以辱瘁卒廬州府志

李得春合肥人年十三父病嘗糞割股母病亦如之及歿俱廬

墓三年冬月有野草花生之異一統志 江南通志

姜潤巢縣人母病刲股以進得愈一統志 江南通志

朱展合肥諸生母病篤與妻李氏衣不解帶者三月妻素羸遂

與姑相繼卒展時年未四十誓不再娶歲大旱守令詢致旱之

故備陳廬民愚惑有喪至五六年不葬者采其言申久淹之

禁不旬月歸葬者四千七百餘家兩尋沛縣為申詳云廬陽有

節婦無義夫宜表揚以勵人心准給冠帶一統志 江南通志 廬州府志

孫文翰廬江人萬歷間舉孝行旌門曰孝化淮南廬江縣志 新刊

胡仕祥舒城人母史氏年二十三寡歸母家遺腹生仕祥仕祥

事母孝有司旌之少時有老人過宿謂仕祥曰汝母奇節汝又

孝汝母百年後當以我席下地葬之未幾史族更回祿廬舍皆

為榛莽史年九十七卒仕祥葬母老人所指席下地自後家日

起西傳至守恆崇禎戊辰進士以編修殉國難諡文節守恆子

永亨

國朝康熙庚戌進士官雷廉道其餘子弟多顯者舒人以爲節孝

之報江南通志 新刊

朱印舒城人年十七母卒廬墓同邑諸生王介父卒廬墓母病

割胸肉療之及卒廬墓廬州府志

李大經廬江庠生父病刲股以進及卒廬墓同邑詹天瑞庠生

周繼成俱割股廬墓先後旌表一統志

吳孝子失其名無爲人家貧執役於人每得甘旨必歸以奉母

母卒未葬鄰火延燒力不能救伏棺痛哭火燄他徙左右無一

免者吳廬獨存一統志 江南通志

章華國無為人母病篤刺臂血飲之而愈又病異瘡禱於神夢

神指京紅紙薰之果愈母歿三年不茹葷酒竟以羸疾卒一統志 江南通志

江南通志

阮白強合肥人母與祖母相繼病自強並割股救之廬州府志

祝汝節舒城庠生明季賊陷城被執逃歸見母死灰燼中伏屍

而泣遂自縊於側廬州府志

葛一本合肥庠生三世同居年十三母病割股二次兄亡撫其

子與孫如己子壬午寇至守南關以身殉焉廬州府志

王明正合肥人年十五割股以愈母疾廬州府志

單政巢縣人父亡兩弟一妹俱幼上事母下撫弟同居三世無

間言廬州府志

蔡少懷舒城人壬午寇攻城少懷與弟小懷守南關賊穴地入

少懷被殺小懷冒白刃與賊爭得負兄屍歸舒城縣志

郭維官舒城人父為賊執號泣求代賊殺之廬州府志

許名材舒城人寇至負母抱子以逃賊追之母曰可舍我無絕

嗣也名材泣日子可復得母不可復得也遂棄其子免母於難

廬州府志

王玢合肥人寇陷城玢負母逃遇賊身被重創痛哭為母乞命

賊感而釋之後母病刲股以救子庠生九鼎亦以孝聞合肥縣志

丁遵道巢縣廩生寇至父被執將殺遵道號呼解衣求以身代

賊憫其孝父子俱免廬州府志

李萬化字素公合肥廩生廬州衛指揮僉事長庚子寇陷郡城

時官失守者皆殊死長庚甫縮衛篆禍且不測萬化奔走兩都
請以身代幸遇赦免入

國朝以子天馥貴

贈兵部尚書廬州府志

朱大政舒城庠生父龍庭死流寇之難大政尋父屍為賊所執
歎其孝予棺葬之舒城縣志補遺 新增

李初廬江人親歿廬墓以毀卒建坊旌表同縣諸生徐紹益廬
父墓三年又趙建忠負販養母割股療疾廬墓三年廬江縣志 新增

徐方亨廬江人明末流寇之難侍母疾不去賊執之並傷其母
號泣觸樹死廬江縣志 新增

國朝張維德合肥人明季寇至其父被執將見殺維德甫十齡延
頸就刃求代賊義而釋之順治中父歿哀毀骨立廬墓三年一統志

志

張振祺廬江人父宏任攜孥知四川嘉定州崇禎壬午城陷被
害長子振祚觸石死時振祺以應試回籍蜀道中梗音問俱絕
及順治十一年聞信奔赴至保甯不得前巡撫李國英拔署梓
潼縣三年道始通即辭官尋母遇之我眉縣年七十餘矣奉以

歸一統志 江南通志

張文達合肥人明季以事詣鄉莊聞寇至奔還於積屍中覓得
其父尚未死負行七十里抵莊得全達年至一百三歲

敕建昇平人瑞之坊一統志 江南通志

高克謹廬江人年十三父為寇執謹乞身代賊兩釋之一統志

楊光耀無為人攻石為業妻鄭氏養媳也夫婦皆年十四母病
兩人割股以進各不相知久之共見痕痕不覺涕泣一統志 江南通志

重修安徽通志

卷三十三 人物志

孝友

七

廬州府

沈可器無為人明末父為賊傷肝隨刃出可器禱天求醫忽遇異人授以祕藥服之得愈廬州府志

沈志允無為人母病刲股衣不解帶同邑季思慎劉正絃錢榮皆以母病刲股聞又劉有德甫十齡母病刲股吳允誠年十二

父病齧臂以進廬州府志

沈可弼無為諸生性孝友父母年皆八十晨昏服侍不暫離兄弟同居不析爨兵燹之後宗族流離歸里者為之措給衣食子弟俊秀者教之讀廬州府志

沈守珮合肥人親歿廬墓三年不食肉飲酒同邑庠生周起姜親歿亦以廬墓聞廬州府志

魏振趾合肥庠生親歿廬墓同邑胡蔭親疾割股俱以孝稱統志

江南通志

周愛池合肥人析居後弟業中落鬻所受產愛池子之值而歸之曰弟善守是其以貽而子也廬州府志

程汝璞合肥人順治丁亥進士少侍父母有言必長跪以受父歿事母尤謹年已六十母喪嘔血數升以毀卒廬州府志

方華合肥人父妾生一子已析產父歿家落復以己產均之少聘魯氏其女瞽父母欲另議婚華不可曰此將誰適遂娶之相

得甚歡一統志

張大履合肥諸生父母歿事兄甚謹兄臥病山居偶思肉食大履往返數十里市之比還兄已殞遂終身不食肉妻亡念其荼

苦單棲四十餘年一統志

王鳳吾合肥農夫事孀母食必親進夏日坐母涼處而後往田冬則令妻抱母足眠以為常一統志

董史合肥人父病割股以進得愈寇氛後於郊外立義冢掩骼埋齒無算同邑巫萬璵周尚文皆以親疾割股聞又程懷榮繼母病兩次割股弟已析居家落復令合爨廬州府志

郭士英舒城武舉五歲喪父哭泣如成人母歿負土成墳雨雪不顧友愛前母兄及庶弟人無間言同邑歲貢許明時母歿廬墓不茹葷酒四年代兄償負助人嫁娶後官建平訓導一統志 江南

通志

徐行達舒城人遭寇變父為賊執泣隨其後至潛山夜負逃歸父歿事母尤謹弟行遠寇變時負幼弟逃遇賊乞殺己而活弟賊並釋之叔父流落荆襄其父思之行遠不避險阻往尋三載得與俱歸廬州府志

王明俊舒城人明季寇變與妻鍾氏商日子與姪不能兩全奈

何鍾曰君勉為鄧伯道可也遂棄其子夫婦負姪而逃廬州府志

東守顏舒城人與繼室陳氏攜兩子避難其一為前妻子勢不

兩全陳勸畱前妻子棄己子逃廬州府志

馬尚義廬江人本姓朱奉母遺命後舅氏蒙馬姓嘗割股以療

父疾流寇至奉父出逃遇賊將刃其父奮身請代賊感而釋之

廬州府志

任弼堯廬江人寇至同妻李氏奉母避黃陂湖中遇賊欲刃其

母李氏力挽姑後弼堯以身翼前連中七槩湖水為赤弟必俊

救之得不死母亦脫難廬州府志

許希湯廬江人少負勇力兄希海為賊執索金甚急希湯直詣

賊營請釋希海歸取金而身為質賊許之屆期不至賊欲刃之

希湯連仆數賊而去賊追之不及兄弟俱獲全廬州府志

盧應京無爲人流賊陷州執其父索金無有將殺應京哭請代賊義而釋之後父歿廬墓三年廬州府志

高登奇舒城人寇臨城兄弟依母不肯避城陷登奇負母率弟墜城而下遇賊傷幾死負母不肯釋賊憐而釋之廬州府志

郭尚謙字吉六舒城歲貢康熙十八年早蝗尚謙繪圖陳之督院得賑合邑德之後官懷遠訓導以母艱歸廬墓三年起補祔門訓導前後皆得士心舒城縣志

張一綸無爲人三齡失怙奉母極孝九歲時母病危籲天請代得愈友愛兄弟推財讓產雍雍如也二子熹烈俱以孝友聞且樂善好施戚族待以舉火者甚眾嫁娶喪葬傾資助之里有義門之目一統志 江南通志

賈文彪舒城貢生事親孝撫孤姪四人不異己子業中落者以

己產與之雍正九年

旌表建坊一統志 江南通志

程汝瑾合肥諸生母年九十失明寢食扶持夙夜不懈妻余氏亦能孝養姑病割股和藥遂愈汝瑾尤好施貧不能喪葬者竭力周之歲饑捐米二百石助賑廬州府志

李集合肥人年十三繼母病割股療之析產時長兄食指繁多遂以己產益之同邑張維父病割股籲天得愈廬州府志

李山合肥人六世同居乾隆丙午歲歛捐千金以賑人皆義之廬州府志

束懋官舒城人母患痿躄無晷刻離兄弟析居推肥取瘠後以兩弟家落復合爨廬州府志

靳三益舒城諸生與弟三友三傑怡怡一堂不析爨又同志建

宗祠置祭田每歲暮捐穀百餘石周卹鄉里今子孫仍遵行之

廬州府志

許鍾彥廬江人母病臥鄰火延及鍾彥年十三負母冒火出後母病篤割股療之同邑諸生許士浩年十二刺血療父目又歲貢黃河清年十歲割股療母疾又姚錫綸母病割股以進得愈

廬州府志

李善廬江人幼孤家貧樵採以養繼母母病癱目不交睫衣不解帶者累月又割股以進不效及卒哀毀骨立人稱純孝

廬州府志

李逢麟廬江人母病顛天請代勿藥而瘳鄰有許姓者為盜所

誣陷大辟力救之得昭雪又捐田及市房儲積以贍族人救荒

掩骼義舉尤多

廬州府志

宋志靈廬江拔貢當選以繼母病不赴母歿廬墓三年兄弟析

產推腴讓兄以子衡貴

贈通議大夫

一統志 江南通志 廬州府志

李塏廬江諸生與從兄塏同居庭無間言兄歿姪抱沈疴撫姪

孫成立後析產田廬器物一無所私助婚喪賑荒歛焚借券人

稱長者

廬州府志

周敬寵無為人母孀居先意承志無微不至及卒敬寵年已六

十三猶作孺子泣

廬州府志

吳嘉訓無為人父病噎膈嘔逆嘉訓輒涕泣嘗其所吐孀患目

盲每旦舐之孀目復明方父病劇思食江魚求之弗得父歿見

魚輒泣不食里有火災拜而祝之火自息又有邪魅巫驅不去

嘉訓一過而絕平生為學以朱子為宗尤邃於易

廬州府志

朱夔無為人以善丹青游於合肥聞母病徒步奔歸一晝夜行

三百里而至割股兩次不使人知偶於暑月解衣見其癩痕始相驚歎廬州府志

倪良增無為歲貢母歿廬墓三年孫光復值父祖兩喪廬墓三年母歿又結茅冢次三年雖盛暑絰經不去身廬州府志俞質無為人親亡哀毀既葬廬墓有虎闖其扉不為暴郡邑詳請

旌表建坊

一統志廬州府志

胡錡字南濱廬江歲貢性孝友侍父母疾衣不解帶者數月及卒廬墓葬祭皆秉家禮兄弟四人同居數十年無間後析產推腴取瘠既授涇縣訓導常分俸以給族鄰立義塾設義冢在官勤於訓課多士咸以文請質卒於任涇人立石誌德以子觀瀾詰贈朝議大夫嘉慶二十二年

恩准崇祀鄉賢祠

舊志

張應星無為人父喪哀毀廬墓三年墓旁生白芝三本母歿亦廬墓乾隆三年

旌表建坊

一統志廬州府志

馮尚謙無為人年十二父病十旬不解衣帶母卒廬墓三年廬州府志

王廷松無為庠生父歿哀毀廬墓三年廬州府志

陸世道無為人年十二同兄赴塾兄失足墮水世道躍入救之兄起而世道竟溺死廬州府志

張肯耘巢縣庠生親歿廬墓十年早夜哀思致疾而卒同邑蔣永兆母卒廬墓三年廬州府志

奚崇榮巢縣人母病割肝以進得愈同邑蔣聯芳繼母病割股

愈之又周之才年十五母病三次割股以進得愈劉學堯亦割

股療父病廬州府志

魏游錫巢縣人父善醫以其術遠遊塞外時游錫甫周歲稍長

誓尋父年十七子身往由都門歷口外數千里至宣化府得抵

父寓父已先卒哭諸墓所哀毀異常土人欽其孝資以路費負

骸而歸廬州府志

張鼎舒城增生幼失恃事父及繼母至孝父病禱神求代及卒

喪葬盡禮巡撫某書扁額以獎之廬州府志

蔡春芳舒城人母病痿痺借妻李氏日夜跪哺湯藥兩膝皆腫

暑月蟲咬無完膚母起臥必負之冬月呼飲食必煮以進衣不

解帶以為常廬州府志

任天吉舒城人家貧事母孝嘗負米百里塗次不炊食或諍之

曰吾米以奉母敢先食耶廬州府志

孔興道舒城人父有足疾經二十餘年親為吮膿弟卒撫其孤

教讀婚娶如己子廬州府志

高重瑛舒城貢生母歿廬墓官旌德教諭廬州府志

朱品合肥人母病割股以進居喪哀毀骨立春秋祭奠涕泗橫

流終身如一日廬州府志

蔡殊英合肥增生將葬父有期疾作危甚家人代營葬事前一

日夢中泣而寤曰日及葬期乎家人諱之英泣然曰此何事忍

弗顧耶雖死必往遂強起下窆封土而還廬州府志

蔡崇合肥人事孀母孝母性嚴常令跪中庭不命之起不敢起

母歿哀毀嘔血數升五日而卒廬州府志

徐凌霄合肥人父病危凌霄每日五更詣城隍廟求以身代父

果愈越七日忽咤曰城隍神遣輿馬迎我遂卒妻湛氏年二十

一視含斂畢絕食九日死廬州府志

周治昌合肥廩生少孤事母孝家貧典衣稱貸以供甘旨母止

之不改加以呵怒婉容受亦不變也母歿歲時上食哭泣盡哀

與兄友愛無間廬州府志

夏貢西合肥諸生九齡時母病篤號泣呼天祈以身代已而漸

差母卒哀甚恐傷父心中夜飲泣及父歿哀毀幾至滅性既葬

朝夕往來墓所若定省然廬州府志

孔時舒城廩生家貧以授徒為養父病偏枯飲食起居皆賴扶

持出課生徒入侍湯藥三年如一日嘗於途中拾遺金俟其人

還之廬州府志金之鵬無為人親喪哀泣不欲生葬祭如禮年踰七旬事後母

猶循循如孺子廬州府志

季國瞻無為諸生九歲父患疔以口吮之年十二父歿哀毀母

病嘗糞以驗及卒廬墓三年乾隆三十八年

旌表建坊廬州府志

錢承禧無為庠生父歿廬墓三年乾隆五十九年

旌表建坊廬州府志

童炯合肥人父溺於水炯躍入救父得生而炯竟溺死嘉慶二

年

旌表建坊廬州府志

鄭曦巢縣諸生父喪廬墓三年嘉慶三年

旌表建坊廬州府志

沈邦珽合肥庠生父病與弟庠生邦連俱欲割股邦珽曰兄先

廬州府志 卷三十三 人物志 孝友

弟後遂割股以進父得愈同邑徐尊孔王炯尚楊德山李士勇

王秉燮陸之煜及十一歲童王文傑皆以割股療親聞合肥縣志

杜東儀合肥人母病渴刺臂血飲之立愈同邑吳解原父病痰

不能吐以口吸之得出合肥縣志

高截舒城人事親孝友愛諸弟親歿時截年已六十八哀哭如

孺子嘉慶十二年

旌表建坊舒城縣志

高華舒城歲貢署婺源訓導母病服侍湯藥三年不懈及歿哀毀幾至滅性父卒亦如之廬墓三年平居調戚族修學宮皆踵成父志不惜千金嘉慶九年

旌表建坊舒城縣志

張良弼舒城人親歿合葬廬墓三年二犬一貓隨之不去邑欲

以孝詳請堅辭不受舒城縣志

鄧國玉舒城人少孤貧傭工以養母母有宿疾衣服穢器親為

洗滌母戒之則俟母睡而為之數十年如一日舒城縣志

劉錕無為庠生居父母喪皆廬墓三年嘉慶十七年以孝行

旌表建坊舒城縣志

江毓真合肥人道光元年以孝行

旌表建坊舒城縣志

方寬合肥人道光二年以孝行

旌表建坊舒城縣志

劉邦星合肥人道光六年以孝行

旌表建坊舒城縣志

吳凌雲廬江人事母至孝侍疾六年廬墓三年乾隆中卒廬江縣志

新修以下

楊文燭廬江人康熙時割股療母目疾罔效剖腹取肝療之母

目復明廬江縣舊志

李昉楸字靈再合肥進士母歿廬墓三年父病篤醫禱皆窮至

於嘗糞合肥縣志

許樹型字潔庵合肥監生父病侍湯藥三月親嘗其糞合肥縣志

李文行舒城人母病文行嘗糞旋愈又農人徐從聞繼母病侍

湯藥九年如一日舒城縣志

孫天德合肥庠生杜向榮合肥人均廬母墓三年合肥縣志

孫佐標合肥人幼隨父寓桐城父歿力役乞食養母母歿依墓

寢處者數年桐城縣志

李振莊俗生丁茂組理問俱廬江人並廬父母墓六年均蒙

旌表又曹殿樑廬父墓三年廬江縣志

劉藻舒城監生親歿廬墓三年舒城縣志

周德三無為文生道光時廬父墓三年又范進階閔瑤林潘光

淮庠生蕭文明劉宗植周榮桂俱親歿廬墓無為州志

方以臨巢縣增生乾隆間母歿廬墓又金錦堂道光間廬母墓

五年方迪誥胡效廉俱咸豐初陳組綬同治初俱母歿廬墓效

廉組綬廬墓時髮賊竄至均各殉難巢縣志

單廷瑄字柯亭巢縣監生割股療父同弟廩生廷蜚廬墓三年

巢縣志

李起高合肥人家貧無妻子訓蒙養母侍湯藥浣衣物廁踰至

老不衰合肥縣志

查春泉字幹甫合肥從九品母病割股母歿廬墓而卒合肥縣志

褚文翠合肥人生母繼母病皆割股以療又附貢范均割股療母合肥縣志

葉魁玉合肥農人母病刺血割股以療顛天減己壽以益母夢神與藥母疾遂瘳又有代無為州人贖子婦并助資完娶事先是此人欲鬻與魁玉堅卻之合肥縣志

楊鑾無為監生道光元年割股療父無為州志

朱大義無為人祖病割股以療又季宗嗣年十五割股療父倪盛猷年十四割股療母庠生朱雲謨布經歷倪以翁民人朱正

煥王自強俱割股療父季大官歲貢趙步雲俱割股療母袁邦穀兩次割股愈父母疾無為州志

黃志勝字繼堂巢縣人父母病割股以療市貨周家口客誤投百金還之巢縣志

錢世封廬江人樵薪養母年十五割股愈母疾廬江縣志

李世奎無為人傭工養母母病目眵之復明無為州志

王運咸字受虛合肥貢生兄與姪繼遊事嫂盡禮撫二從孫皆成立弟亦早卒教其子入泮并割己產以贍之嘉慶甲戌大旱鄰有售屋者與之值而還其券合肥縣志

靳學涪舒城廩生歲饑負米養親積勞成疾父病猶力疾侍奉冬夜深父命之寢及席而歿又有靳學思者割股療母舒城縣志

王文坤無為人九歲喪父哀哭盡禮及長傭書養母母歿歲節哭墓數十餘年無為州志

孟春沂合肥監生侍父病十五年不懈父喪哀毀後因弟春熙病賊至不去同遇害合肥縣志

劉福恆合肥人身入賊巢救父以出復與其儕擊賊日有斬獲

尋受重傷死

合肥縣志

黃樹琪合肥文生成豐間粵賊犯合肥城陷樹琪侍父疾不去會父卒自經同時有黃承藻王琳金士金法吳德慶張家禮弟家祿家誥均以救父擊賊被害闕功進王登鼇胡永隆從九品蔡熊林文生孟兆辰范儲吉均以護母遇賊被害吳道坦以祖母遇難擊賊死黃承澤以侍兄病城陷死

合肥縣志

許習禮廬江人髮賊焚掠習禮同妻邢氏救護母柩均遇害

廬縣志

程學達程學灼童道貫俱舒城人先後遇賊學達救父學灼救母道貫救兄均被害學灼子之度之良並死之

舒城縣志

汪樂善無為人咸豐三年髮賊竄州負母避於天花寺賊至不去遇害

無為州志

汪言俊無為文童咸豐四年髮逆掠其父言俊免父於難而身

死之

無為州志

湯登榜巢縣監生成豐五年帶練剿賊長岡還見父母均已遇難憤恨而死

巢縣志

高理法巢縣人咸豐七年賊掠其母往救遇害又李洪節入賊巢尋親被害郭舉福郭舉祿兄弟友愛咸豐七年遇賊舉祿被執舉福請代被殺祿罵賊亦死之

巢縣志

黃灼巢縣人從九品咸豐八年負父避難賊追及灼曰殺我勿傷吾父也賊殺之父乃免

巢縣志

金承矩廬江人咸豐十一年賊執其父請代得免承矩死之

廬縣志

秦訪舟夏大剛俱無為人均遇賊救父被害

無為州志

張升根無為人咸豐十一年升根年十三母被賊害大罵死之

無為州志

鄭念敏巢縣文童咸豐十一年髮賊竄巢念敏侍母病不暫離

母卒斂畢自經又張義和陳文煥俱以侍母病遇害

巢縣志

翟朝綱巢縣人同父被賊執朝綱求釋其父賊并殺之

巢縣志

季萬金無為人同治二年髮賊自巢縣至萬金侍母不去與母

妻及子全家死難

無為州志

于原軾無為人同治二年髮賊至原軾侍母不去俱遇害

無為州烈

女志

王道清合肥人廬父母墓各三年同治四年

旌表父李堂中侍母病十餘年及卒廬墓同治九年

旌表合肥縣志

劉藻舒城監生道光年以孝子

旌表舒城縣呈冊

陳榮貴廬江人咸豐年以孝子

旌表廬江縣呈冊

周傳緒無為州人光緒二年以孝行

旌建祠坊利

Blank columns for text on the right page.

重修安徽通志卷二十四

人物志

孝友十一

鳳陽府

漢趙孝字長平沛國蘄人時歲饑人相食弟禮為餓賊所得孝聞之即自縛詣賊曰禮瘦不如孝肥賊並放之謂曰可且歸更持米糲來孝求不能得復往報賊願就烹眾異之遂不害永平中辟舉孝廉顯宗素聞其行詔拜諫議大夫歷遷長樂衛尉復徵弟禮為御史中丞禮亦恭謙行已類於孝帝寵異之詔禮十日一就衛尉府大官送供具令兄弟相對盡歡

後漢書本傳

隋郎方貴淮南人與從弟雙貴同居方貴出行遇雨於津所寄渡船人搥方貴臂折至家雙貴驚問遂向津毆船人致死縣官

案問以方貴為首雙貴從坐兄弟二人爭為首坐縣不能斷送

州州以狀聞高祖原之表其門閭隋書本傳

唐董邵南壽州安豐人隱居行義孝慈及物有雞哺狗兒之異

所居至今名曰隱賢鄉韓愈作嗟哉董生行以贈之又有送董

邵南序韓昌黎集壽州志

李興安豐人父疾興刃股肉假託饋獻父已不能啖而死興號

呼撫臆口鼻垂血捧土成墳墳左作小廬蒙以苫茨伏匿其中

晝夜哭廬上產紫芝白芝廬中醴泉涌出壽州刺史承思請表

其閭柳宗元為作孝門銘唐書本傳

宋步游張張姓失其名少失母徒步尋訪因稱步游張訪至宿

州見病嫗究問乃其母也相持大哭遂就養因家於宿江南通志

按宿州志以為漢人為縣令遇一病嫗於苻離之東馬踰

不進訪問乃其母因家於宿其言與此絕異漢無宿州故從
通志然亦未知通志之何所本也

元許從政下蔡人居喪廬墓詔表其門閭復其家元史孝友傳敘

張鏐下蔡人至元中任太平路總管府治中因家當塗母歿廬

墓有紅蓮變白之異郡為立孝蓮坊大德二年旌表元史本傳江南通志

王德新石思讓皆安豐人親喪廬墓詔表其門閭復其家元史孝友傳敘

孫克忠宿州人親喪廬墓詔表其門閭復其家元史孝友傳敘

王珍宿州人累世同居詔表其門閭復其家元史孝友傳敘

高中濠州人祖泉仕宋為安撫使父文龍早卒中少事其祖卽

以孝聞祖歿哀毀中以嫡孫當襲讓於叔父文豹至元閒有司

以事聞詔旌其門元史長壽傳 江南懷遠縣志

馬希先懷遠人舉鄉貢授陳畱教諭養親不就職竭誠奉事廬

祖母墓及父母墓凡九年江南通志

姜起宗懷遠人歷宋迄元五世同居江南通志

明張倫鳳陽人河南衛百戶洪武四年以親老乞解職歸養上

嘉之命為濠州衛百戶江南通志

王阿孫懷遠人父病刲股以進立愈母病又割肝以進亦愈洪

武閒旌江南通志

王綱定遠人母歿廬墓宣德閒旌明史孝義傳敘

徐琉懷遠歲貢知長治縣以母老解官歸養母卒哀毀負土成

墳與弟友愛析產推腴取瘠懷遠縣志

許綱懷遠庠生授祥符知縣以母疾乞養不赴繪兄像與己同

坐人問之曰欲使子孫祀我并祀兄耳懷遠縣志

李忠鳳陽人親歿廬墓三年不食葷飲酒每慟羣鵲悲鳴以助

其哀景泰時旌一統志 明史孝義傳敘

趙銘宿州人父畿官金華府推官母病於官署刲股和藥以進

得愈同邑王延齡年十二父病十年不起刲股以進亦得愈江南通志

宿州志

郭興宿州人父喪廬墓手植樹千株虎嘯於旁兔馴其側景泰

時旌明史孝義傳敘 江南通志

李寬宿州人母歿廬墓三年景泰時旌明史孝義傳敘 江南通志

許本忠懷遠人母愛少子本忠愛其弟益篤父母繼卒廬墓六

年有盜夜叩其廬為蛇所逐號呼求救本忠出視蛇退盜乃改

過自新宏治閒旌子連孝如其父卒廬墓哀毀遂卒明史孝義傳敘 鳳陽府

王世貞許孝子廬墓記

江南通志

周緒鳳陽諸生母喪廬墓二鳩巢樹異草叢生成化閒旌一統志
秦昇定遠人成化閒任福建泉州衛前千戶所正千戶性至孝
祖以上三世俱沒王事而皆葬於外昇遵例替職北走潼關祭
奠高祖安修其墳塋南浮江淮徧求祖父雄故阡不得號泣於
道至環堡得之啟墳載柩沿江下抵福之北嶺祭其曾祖惟墳
重葺之乃扶祖柩歸未至聞父訃哀號頓絕執禮惟謹既卒哭
買地葬祖若父而廬其側會山寇蕭丙三等起始撤廬率官軍
捕剿至永春長泰二縣界獲其黨王清仔蘇尾仔生擒丙三而
母氏洪尙在所以事洪甚至洪享壽八十餘齡而昇亦老矣正
德三年旌門福建通志 新增
劉澄懷遠人親喪廬墓宏治閒旌明史孝義傳敘

張全鳳陽衛人事母至孝母卒哀毀泣血叔祖伯叔祖母家貧
無嗣請同居生養死葬皆任之宏治閒旌明史孝義傳敘 江南通志

張欽鳳陽人宏治閒以孝旌明史孝義傳敘

王澄鳳陽人通志云 臨淮人三歲喪父事母至孝母喪廬墓芝產其旁
卒年八十九宏治閒旌一統志 明史孝義傳敘

王裕宿州人父病嘗藥甚謹及卒廬墓三年兩產靈芝宏治中

旌同邑戴四庠生王國晟皆以父歿廬墓聞江南通志 宿州志

張潼靈璧庠生正德中流賊之亂潼祖父被害號慟大罵求與

俱死賊不忍殺後奉母盡孝由選貢官單縣教諭江南通志 靈璧縣志

連楫鳳陽人事父能先意承志同邑沈柱史仁周繼文皆以孝

聞有司上之部使者得旌江南通志 鳳陽縣志

張賢懷遠人父母歿前後廬墓凡九年同邑陸欽母歿廬墓耿

約事繼母孝父歿廬墓弟早卒撫姪如子修橋梁賑歲歉人咸
義之江南通志

韋儒懷遠人母病衣不解帶籲天求代及卒悲慟死而復甦竟
以嘔血卒嘉靖閒旌江南通志

劉鳳壽州人崩昂壽州諸生皆母歿廬墓江南通志

馬體乾臨淮人父喪廬墓江南通志

朱文盛鳳陽人母歿廬墓卒年八十九鳳陽縣志

陳元綬鳳陽人年十七母病割股不效哀毀成疾而卒同邑羅
于明沈律陳汝聯連思恭皆以親疾割股聞又庠生劉鳳皋父
歿哀毀骨立母疾禱天願以身代妻謝氏復割股以進得愈江南通志

鳳陽縣志

金為聲臨淮人割股療父疾同邑秦大本王登周楠張光耀李

典學戴瑾皆以割股療父聞又黃行素張檀胡仲舉梅文遵吳

永曜皆以割股療母聞又李義方割股療祖母疾詹臺錦割股

療繼母疾又張檀之子天印亦割股療檀疾江南通志

陳輔壽州人世襲指揮父病割股以進母病亦如之同州千戶

尹岐割股以愈母疾又庠生張宏化張奏皆以割股救親聞壽州志

吳道成壽州人年十二父病割股以進母病亦如之壽州志

毛騰壽州衛百戶四世同居門無詬誶之聲鄉里奉以為式卒

年八十八壽州志

胡緯壽州廩生親歿廬墓其子與孫失其名亦皆割股療親病

鳳臺縣志

徐瀛懷遠人父病割股以進得愈懷遠縣志

顧琛壽州人母病盲琛竭誠禱神母得復明江南通志

郭藩定遠人父壽卒於京藩徒步數千里扶櫬歸葬結廬墓旁

日夜哭奠有剽掠者過其廬戒曰此孝子也勿驚墓常出金色

蛇人以爲異江南通志

朱寶壽州人善事親居喪廬墓三年同州百戶張應彭庠生薛

孔儒皆親喪廬墓又張沛張溪崔紹張吉曹夢徵石鯨吳之美

皆以親歿廬墓聞壽州志

袁體蒙懷遠人孝養孀母母病服勞憂念一夕髭髮盡白母歿

未二旬體蒙同其妻皆以歿卒懷遠縣志

許士俊懷遠人隨父渡淮父墮水士俊急入水救之父子俱死

踰三日抱父屍出萬歷閒旌江南通志

方大福壽州人母病刲股以進妻羅氏亦如之後羅氏病子正

華亦刲股進妻孔氏亦如之正華生疔病孔氏復刲股進人謂

一門世孝壽州志

王殿懷遠人父病十四年衣不解帶母病刲股以進得愈友愛

其兄盡以遺產讓之隆慶時饑捐八百金助賑後舉孝廉卒年

八十六崇禎十三年旌懷遠縣志

鄧讓字汝謙壽州人父景陽卒有異母兄疑其有私讓出己資

畀之不自明母卒哀毀盡禮萬歷末歲饑竭力助賑全活甚多

卒祀鄉賢江南通志

羅子明鳳陽人父病刲股及卒廬墓江南通志

潘儀定遠人母卒廬墓江南通志

蔡斌徐榮俱定遠人皆以刲股救親聞江南通志

顧大倫定遠庠生父老病刲股和藥妻黃氏亦刲股和羹以療

姑病定遠縣志

夏供佑字普生壽州人崇禎癸未進士母卒廬墓泣血三年壽州志

張聯達懷遠人崇禎時流寇至縣達負兄逃為賊所得賊釋達將殺其兄達泣求曰家有餘資願以贖兄死遂帶回家罄所蓄與之兄得免懷遠縣志

馬仍靈璧人流賊至執其父將殺之仍奔救父得脫而仍被害靈璧縣志

陳自修鳳陽庠生母卒柩在堂流賊至自修護柩悲哀竟為所害江南通志

李壽年壽州庠生割股救母鳳臺縣志
國朝周建古懷遠人父希賜卒於官建古數千里扶柩歸葬事繼

母尤孝葬後廬墓二十餘年未嘗暫離江南通志

唐一介鳳臺人嫡母病篤忽得愈及一介歿後家人於牆內得薙刀血布并哀禱之詞始知其割股以療母也鳳臺縣志

余可仁壽州人父歿廬墓明季母朱氏一家皆為流寇所掠母言輒涕零可仁肩行李走四方得其母之姪朱產坤以歸為之婚娶畀以田廬以慰母心卒年九十八壽州志

馬魁臨淮人母卒負土壘墳廬墓三年江南通志

王繼善臨淮人割股愈繼母疾同邑楊一龍胡文漣趙權皆割股愈父疾蔣億趙應祥皆割股愈母疾又庠生朱絃朱縉兄弟並割股愈母疾江南通志 鳳陽縣志

張奇方鳳陽人順治閒以孝行

旌表鳳陽縣志

重修安徽通志

卷一百四十五 人物志

孝友

七

鳳陽府

薛之明臨淮人父病明與妻劉氏力耕以養父年九十四夫婦互哺之夜臥榻下候起居時年亦各六十餘矣眾欲以孝行舉力辭鳳陽縣志

張明棐宿州人順治初賊五十騎入其鄉家人俱登樓母劉年七旬不及避為賊所劫明棐奔救賊執之支解而死十七年

旌表建坊一統志

石毓秀宿州人家貧傭工養母母病劇割股作羹以進疾尋愈順治六年

旌表建坊宿州志

王永康宿州諸生母歿廬墓三年同州朱汝維父母疾衣不解帶及相繼卒廬墓三年庠生涂玉書母疾嘗糞以下死生父卒廬墓三年又諸生邢廷相郭存誠父母繼歿廬墓三年江南通志

州志

曹培靈璧諸生父卒築臺墓側寢處其中朝夕哭泣未及歸而卒人稱孝子臺一統志

傅琦靈璧人兄弟四人皆諸生食指數百同居不析爨內外無閒言靈璧縣志

張詹靈璧人家貧甚父庠生士儀館於外詹年幼隨母至父館索米回至中途遇大雪母凍死詹哀號不忍去亦凍死聘妻解氏女聞之不食而死靈璧縣志

張啟伸懷遠人瞽目談命為業母疾篤割股愈之懷遠縣志石榮脩懷遠人終身孺慕父病衣不解帶及歿哀毀時年已七十四矣釋服之期方奠一慟而歿懷遠縣志

姚大中懷遠人父疾篤朝夕飲泣籲天請代夢神教以割股大

中幼讀儒書疑遺體不敢毀傷夜復夢如前乃割臂作羹以進
不效父卒毀幾滅性三年不言笑懷遠縣志

趙士龍宿州人父老臥病室中火起士龍突火入脫己衣蔽父
負以出父獲全士龍受傷重逾月死宿州志

周國馨宿州歲貢事繼母孝父歿喪葬盡禮盡哀釋服後盡讓
田產於繼母所生弟人以爲難宿州志

田緒宿州人母病侍奉不懈夜半忽求肉羹遂割股煎湯以進
得愈同州陳良玉傭耕以養父病噎割股進之得愈又鄒克明

亦割股愈母病宿州志
陸恆宿州人少孤極貧祖父老病孝養能如其意撫弱弟雲辛
勤備至未幾恆卒遺孤方在襁褓雲復艱辛鞠育之人謂之兩

難宿州志

梁德平宿州人少孤母病衣不解帶者六年家貧傭工以養每
上食必先屏其子女人尤稱之宿州志

方岳壽州庠生童時母病割股和藥以進同州宋泳葉嘉訓張
學儒朱錦榮李榮秀皆以割股救親聞壽州志

徐遇壽州人事母孝有弟析居後業中落仍與同居不分彼此
鄉里稱爲仁孝先生江南通志

徐自鑑壽州人父早卒母爲姑所遣自鑑徒步往尋遇於南昌
迎歸以養江南通志

程邦平壽州庠生母病割股以進得愈同州歲貢張體仁衛平
總裴克明皆以割股救親聞壽州志

趙桂靈璧人親歿廬墓三年靈璧縣志
余質靈璧人母病割股以進同邑趙大士母病亦割股以進皆

得愈靈璧縣志

龔咸壽州貢生母病割股以進得愈又盡以田產讓於寡嫂以

養庶母人推其義壽州志

陳姓失其名居壽州家貧傭力以養父母親卒葬郭門外日哭

於墓後乃不知所之江南通志

湯璩懷遠人父臥病十餘年奉侍湯藥未嘗離側兄弟皆不善

治生或勸之析居歎曰手足皆僵此身豈得活也家日以落處

之裕如懷遠縣志

戴龍宸壽州廩生父母卒廬墓三年建宗祠以奉祭祀友愛二

弟推產與之同州楊復禮事母至孝母卒廬墓三年壽州志舊志楊

復禮咸豐九年

旌表

壽州志新州志均作廬墓六年

張廷祝懷遠人父病割股以進同邑徐懷清亦以親疾割股聞

又庠生吳廷基母卒水漿不入口者數日竟以毀卒懷遠縣志

劉冕鳳陽市民父母病兩割股進之及卒廬墓三年歸後每月

必往省墓鳳陽縣志

趙鵬九鳳陽庠生幼孤祖父撫之祖病割股以進得愈同邑高

明配割股療母亦得愈鳳陽縣志

馮纘聖定遠人雍正閒以孝行

旌表入祠定遠縣志

謝官相靈璧人年十四父病醫言須用人參一枝恐不易得官

相聞之誤以為人身一指也遂斷一指入藥竟汗出而愈同邑

武岱年十五亦割股愈父病靈璧縣志

張四宣定遠人乾隆六年以孝行

旌表建坊

定遠縣志

楊珩鳳臺諸生割股療母疾同邑武舉權駿亦割股療母疾鳳臺

童尙全鳳臺農家子母疾禱天割股以進得愈自此遂終身茹

素而日以甘旨奉父人多稱之鳳臺縣志

徐宏道鳳臺人五世同居鳳臺縣志

張壽芳鳳陽人性至孝乾隆十一年

旌一統

李之奇縣志作子奇鳳臺人親歿廬墓乾隆十三年

旌表建坊

一統志

李煜鳳臺人親歿廬墓鳳臺縣志

楞初汝懷遠乞者沈姓有所得必歸以供母母老而瞽終日負

荷冬迎暄夏就蔭操杖舞側為山歌里操以怡之及卒葬於義地編席為廬所乞必先奠而後食夜則哭聲遠聞三年後不知所之懷遠縣志

楊懋字敬齋鳳臺廩生父病疽衣不解帶者三年侍母側承歡如嬰兒弟無子為之置妾族子孤寒者撫而教之鄉鄰戚黨喪葬無資者助之鳳臺縣志

孫士謙字懷六壽州諸生與弟蟠相友愛白首同居共承父志乾隆己亥以錢五千緡置義田建宗祠又設義學贈應試者路費卷費助喪葬施棺木義行卓然舊志義行傳同治八年

旌表孝子

壽州志新增

趙直字介夫靈璧人嘉慶辛未

欽賜國子監學正直少孤事母孝母患目疾晨夕以舌舐之三年得復

重修安徽通志

卷之四十四

人物志

孝友

七

鳳陽府

明母病篤禱天求代得愈平居助婚娶建家祠以義率族卒年八十三子發齋庠生事直能孝直卒廬墓三年

靈璧縣呈冊

鈕士文懷遠人道光元年以孝行

旌表建坊

舊志

陳元鎮定遠人父母卒結廬塋側有羣鶴棲樹之異道光四年

旌表建坊

定遠縣志

沈運泰字士尤靈璧拔貢父卒廬墓三年撫姪如子嘗以揀發委署崇明縣裁陋規除積弊補震澤不半年卒於官士民賻助櫬始得歸初家居時倡修學宮後其孫緯亦倡修學宮及名宦鄉賢諸祠人稱世德

靈璧縣呈冊

呂起山靈璧歲貢父母卒皆廬墓三年兄弟四人同居不析爨倡修學宮後官震澤訓導亦倡修學宮其孫世祿承其志亦嘗

捐資修學人稱善人有後

靈璧縣呈冊

沈祖德字春池靈璧人嘉慶丁卯舉人幼孤事母孝母歿負土成墳廬墓三年又事伯如父伯卒亦廬墓三年年五十無子不肯置妾其妻乘其出為買一姬果得子人以爲孝行之報

靈璧縣呈冊

張寅定遠庠生嘗割股以愈母

定遠縣志

蔡鳳池定遠人家貧以小販養母母病篤割股以進及卒哀慟隕絕其兄仙池亦能孝嘗與人語弟割股事輒悲慟曰吾不能也

定遠縣志

凌靄定遠人年七十猶於母前作穉子戲母病背癱以口吮血割股和糜以進得愈道光六年

旌表建坊

司冊定遠縣志

重修安徽通志

卷一百四十四

人物志

孝友

七

鳳陽府

許克醕壽州諸生母病割股以進得愈壽州志

凌和鎔定遠廩貢性至孝侍母疾不解帶者兩載及歿哀毀骨

立旋聞父攫疾於靈壽任所星夜奔赴至則已卒慟不欲生奉

櫬歸不肯受賄懼傷父之廉也後司訓亳州毫饑委賑者再豫

匪宿匪前後滋事守城者三皆晝夜辛勤民沾實惠市肆無驚

以年老告歸就養於子泰交任卒於鎮遠府署年八十三道光

恩准祀鄉賢司冊以上舊志

單治定遠人賦性真誠力行孝友道光十七年

旌定遠縣志以下新修

許文忠字績侯鳳陽人父病封股療之愈鳳陽縣志

蔡程萬方珣俱定遠人均封股療父定遠縣志

張瑞彩字勛夫定遠人內行修潔封股療親定遠縣志

金瑞麟字樹勳鳳臺歲貢父病封股和藥以療壽州志鳳臺縣志

邱承烈宿州人父病割股啗之愈宿州志

柏海山壽州監生封股愈親病壽州志

周士信字載文定遠人州同銜親歿廬墓三年定遠縣志

王念祖壽州文生廬母墓三年壽州志

張靜波壽州文生父沒廬墓以母疾侍湯藥歸母歿復廬墓一

載餘哀毀卒又主簿張獻廷親歿廬墓壽州志

旌表壽州志

金墀字仲丹鳳臺廩生親歿廬墓三年鳳臺縣志壽州志

劉金胤懷遠與夫備值養母孝敬出於至誠以廬墓卒懷遠縣志

陳雲龍鳳陽武生母病侍湯藥不離側恆露禱達旦及歿廬墓

三年

鳳陽縣志

岳盛林懷遠竹工家貧孝親廬墓年餘以乏食歸忌日詣墓長

號終日不食

懷遠縣志

馬璜懷遠人備作養母後因母瞽且跛侍奉不能離側遂負母

乞食十餘年葬母畢旋卒

懷遠縣志

張廷愷壽州人侍父疾二十九年父母相繼歿廬墓六年廷愷

之孫煥然母有目疾日常舐之又刺臂血和藥以進母目復明

終於諸生咸豐九年

旌表

壽州志

王鵬翥字鶴侶壽州人父病嘗糞侍疾三年不懈

壽州志

葉榜字杏園壽州監生同兄建龍侍母病十餘年嘉慶甲戌旱

盡出積穀千餘石散給饑民

壽州志

柏成林鳳臺人傭力養親父臥病常負之上下躬滌污穢終其

身

鳳臺縣志

劉志本字培之鳳臺進士侍母疾嘗糞以驗差劇母歿三年未

嘗盥櫛

鳳臺縣志

王超俗壽州人母卒長號嘔血

壽州志

沈純耀字光遠靈璧廩生父患疽侍疾嘗藥三月不懈兄弟同

居友愛無間又增生單儒清幼孤事母以孝聞

靈璧縣志

方爾熾字曉林定遠拔貢內閣中書以養親歸父病衣不解帶

三年堂弟家中落招同居

定遠縣志

陳詔祿定遠監生事嗣母與本生父母以孝聞諸叔貧恆賙之

營葬祖父母獨任其事母弟多逋負代償不已為置厚產期功

子姪均為經營生計

定遠縣志

薛華字佩芳壽州人從九品弟卒析產諸姪取美好者或不平之華慘然曰弟骨未寒猶忍爭財耶終身不校

壽州志

嚴純一字永欽壽州文生繼母庶母愛幼弟因以構難純一涕

泣自譴卒以感悟

壽州志

李紱字玉書鳳臺監生父客閩病歿紱年十五步行數千里負

遺骸歸所著詩曰陟岵集息影集

鳳臺縣志

徐金鑑靈璧文生父渡河冰陷號泣破冰負父出又入水救母

自溺死

靈璧縣志

進雲五鳳陽臨淮鄉人咸豐初避粵匪之難囑兄弟奉父母前行自率家眾殿後戰死父母兄弟皆賴以免

鳳陽縣志

余仁住壽州人咸豐七年扶叔涉水避髮賊被追及使叔先行

與賊抗拒而死

壽州志

劉步廷靈璧監生咸豐九年捻賊執其父請代不許奪刀刺賊

同時被害

靈璧縣志

張如錦靈璧人同治元年西捻東竄如錦護母遇害

靈璧縣志

薛鴻儒壽州人同治二年苗逆之難鴻儒尋母被害又張揆一

以尋父被害

壽州志

許嘉穀懷遠人城陷母自刎嘉穀斂畢觸石死

懷遠縣志

牛天華懷遠人負母逃難母死華抱尸哭賊至被害

懷遠縣志

謝象懷遠文生聞父遇害絕粒死又沈之盤救父被害劉貴林

侍父疾賊至被害

懷遠縣志

馮孝章定遠人城陷力護父柩被害

定遠縣志

王士良定遠監生父廩生昌圖避寇山中士良負米以養在北

劉村遇賊不屈死定遠縣志

方聚魁字竹雲定遠監生母病賊至聚魁身受重傷護守不去母歿以毀卒定遠縣志

龍長泰壽州人髮逆擾南鄉攜家避難賊偏近棄一女一子而挾兩幼弟以奔獲免於難壽州志

陳其殷壽州人負祖母避亂遇賊憐其孝得免祖母旋歿良毀未逾月卒壽州志

余仁洽壽州人父晉三遇粵匪仁洽救護之同時被害壽州志 錢元熙壽州人父青選遇賊正陽元熙同子泰階救護俱被害

敕建專祠壽州志

周銘盤壽州人父應倬遇賊被執銘盤請代賊並殺之壽州志 方榮祥壽州人出外貿易聞苗逆之難奔救父母不得入城投

河死壽州志

王守仁壽州人粵逆南竄同兄安仁負母逃賊殺兄將及母守仁叩頭求代賊殺之母乃免壽州志

顧含旭顧含熙壽州人粵逆破顧圩同救母被殺壽州志 袁錦春壽州人慟父槐為賊所殺投水死壽州志

周繼雲壽州人咸豐七年髮逆脅其兄繼德將殺之繼雲奔救奪刃奮擊力竭均死壽州志

俞敬修鳳臺人兄泉為髮賊所困敬修往救得釋而已死之鳳臺縣志

陸維東宿州文生賊刃其父奔救受重創死父得免宿州志 朱彥昇宿州人父晉卿罵賊被害彥昇持刀往救死之宿州志

丁愛臣宿州文童咸豐六年負母避捻為賊所迫以身衛母被

殺母獲免

宿州呈冊

劉金標懷遠人咸豐年以孝行

旌表科

明于從鳳臺人咸豐年以孝行

旌表科

重修安徽通志卷二百四十五

人物志

孝友 十二

潁州府

漢韓伯俞城父縣人嘗有過母笞之泣母曰他日笞汝未嘗泣今泣何也曰他日笞常痛今母之力不能使痛是以泣也郡人稱其孝立祠祀之祠在義門集西

劉向說苑江南通志

按說苑以伯俞為梁人而通志以為城父人蓋從亳州志也今亳州實有村有廟姑從之又按潁州在漢為汝南郡汝南有薛包蔡順皆以至孝稱而潁州府及諸縣志無言之者今以史未確言為汝南何地人姑舍之

唐宋仁軌字德容亳州永城人隱居養親嘗誨子弟曰終身讓

重修安徽通志

卷二百四十五

人物志

孝友

潁州府

路不枉百步終身讓畔不失一段有赤烏白鵲棲所居樹按察使趙承恩表其異及卒郭山憚員半千魏知古共諡為孝友先生

唐書朱敬則傳

朱敬則字少連仁軌弟也以孝義世被旌顯一門六闕相望高宗聞其名召見異之除右補闕武后時開告密羅織之路敬則上疏諫后善之歷位至同鳳閣鸞臺平章事出為廬州刺史代還無淮南一物所乘止一馬一子步從而歸

代還以下舊志別載廬州府名宦今并移睿宗朝追贈祕書監諡曰元本唐書傳

五代晉張仁愿譙人存敬子也有孝行父卒事其兄仁頴如事父之禮曉法令仕終大理卿

五代史張存敬傳

漢麴溫潁州汝陰人居家孝友乾祐三年旌表門閭

江南通志

宋張可象潁州人七世同居咸平中詔加旌表仍蠲其課調

表承詢傳

王子

舊作之據宋史改

上亳州人四世同居咸平中詔加旌表仍蠲其

課調

宋史表承詢傳

元郭成亳州人年七十一母喪食粥廬墓朝夕哭臨人哀其老而能孝

元史邵敬祖傳

劉通亳州譙人家貧業農母卜氏好聲樂每眩技者以簫鼓至必令娛侍或自歌舞以悅其心母目失明通誓斷酒肉禱之三十年不懈母年八十五忽復明

元史本傳

張旺舅霍邱人幼失父母陳氏居貧守志旺舅九歲賣錫以養及長母病伏枕數月無貲命醫惟日夜痛哭禮天求代未幾遂愈又自以生業微不能多給竟不娶以終母年縣令言於朝旌之

元史本傳

張紹祖字子讓潁州人讀書力學以孝行聞授河南路儒學教授至正中奉父避兵遇賊執其父將殺之紹祖泣請身代且曰若等非父母所生乎何忍害人父也賊怒以戈擊之戈應手挫

鈍因感而相謂曰此真孝子不可害乃釋之元史本傳

李清譙人孝行卓異旌表其門有扁在城東百餘里尚存潁州府志

明汪泉蒙城人父病奉湯藥至廢寢食父歿廬墓三年旦夜悲

哭有白鳩巢其廬天順閒旌一統志明史孝義傳敘

楊甯太和人天順閒以孝行旌明史孝義傳敘

徐汝楫霍邱人父歿廬墓成化六年旌明史孝義傳敘

成綱武平衛人母亡廬墓冬不絮夏不扇墓木生連理成化閒

旌明史孝義傳敘

陸九一蒙城人三歲喪父母李守志卒九一廬墓蔬食三年同

邑廩生張顯思年十三時父歿廬墓盜入其廬曰無驚孝子相

率而去江南通志

韓文昇蒙城人母劉以苦節撫昇病篤昇與妻柳同割股療之

江南通志

牛斗光蒙城人年十七父疾割股父歿廬墓事母尤盡力一味

之甘母未嘗不敢食母歿廬墓江南通志

張依誠蒙城人父卒哀毀骨立事母極孝母病割股療之母好

施而家貧依誠夏則汲水冬則刈薪竭力以承母志及卒負土

成墳廬墓三年江南通志

王翊字用甫潁上人宏治壬子舉人祖母徐壽九十而終父元

良哀毀過禮相繼而歿翊結廬墓側負土成墳宏治五年旌後

知奉新縣有兄弟爭產歷舉古友愛者諭之遂感悟釋訟明史

傳敘 穎州府志

張价蒙城人母病目盲价以舌舐之而愈成化十年領鄉薦司

訓鄆城有教澤母亡廬墓三年同邑庠生張忠卿亦以親歿廬

墓聞江南通志 蒙城縣志

尚清亳州人兄弟已析居清以善治生致富乃復招兄弟合爨

將前所立分券焚之穎州府志

趙偉霍邱庠生母歿廬墓白鶴來巢同邑庠生高巖然巍然親

歿兄弟廬墓三載江南通志 霍邱縣志

丁冠穎州人孝事父母及卒哀毀遇時物必祭祭必泣然後以

明經知雞澤縣有德政民立碑頌之子溱渙亦以孝友稱穎州府志

儲恩穎州諸生一日往田閒聞母暴卒卽匍匐歸抱母痛哭以

頭觸地而死穎州府志

劉渭穎州諸生善爲文兵備道曾鶴雅重之居父喪鄰火延及

渭抱棺痛哭欲自焚以殉適曾至問渭安在人曰抱棺不肯出

曾顧指揮陳勳曰不急救火致死劉茂才者爾不得生陳乃蒙

溼襦冒火入抱以出會天暴雨火滅棺亦無恙穎州府志

王矩亳州歲貢母卒廬墓樹生連理三枝服闋猶縞衣蔬食宏

治閒旌後卒其墓生紫芝一莖同州董懋本吳裕郭鑑庠生段

崙主簿修省己廩生王以翰皆以親歿廬墓聞江南通志 穎州府志

李福信亳州人母病潛剖左腋割肝一葉以療之立愈其創數

日卽平復人傳爲異同州張才廣趙曷諸生王德新皆以親疾

割股聞穎州府志 亳州志

顧元亳州庠生父疾割股及卒廬墓三年江南通志 亳州志

懷成武平衛百戶母病割左臂療之得愈亳州志

張芳亳州庠生母亡廬墓次年秋病篤妻子往省之不令入廬而卒

江南通志

林鵬太和人母病危鵬攜子禱天願減父子之年以益母壽溽暑母苦熱日夜秉扇對牆扇之使涼氣微拂正德辛未劉賊之亂鵬負母逃遇賊感其孝不忍害

江南通志 潁州府志

張一鳳霍邱人嘉靖壬午舉人事孀母孝有盜入室一鳳不顧妻子獨負母而逃得免於難

江南通志

王敷政穎上人親歿廬墓嘉靖開旌

明史孝義傳敘

杜憲穎上人父病焚香割股以進得愈同邑周之士父病衣不解帶割股以進得愈

江南通志

魏安民穎上人母歿廬墓三年同邑遲應斗父卒於官扶櫬歸

廬墓三年

江南通志 潁上縣志

杜煥穎上人母病刲右股進得愈父失明又刲左股進亦漸復例得選職以養親不赴服闋後授福建按察檢校琉球入貢委煥賓接使者以金為贄煥正色曰遠人慕化吾奉命禮賓而受金可乎使者敬服仕終延平通判

江南通志

時尚祥穎州人祖父病目每晨祝天舐之目復明又刲股以療祖疾

江南通志

劉文試太和人因母病習醫時調湯藥母卒廬墓三年木生連理

江南通志

黃經太和人傭工養母母食必誘其子出外恐其分母之食也及卒貧無以斂遂鬻子葬之

江南通志

陳倫太和人弟早卒遺孤甫六歲撫之成立分產無異己子族黨有喪未舉者助之貧不給者濟之嘗拾遺金守而還其人

江南通志

通志 穎州府志

張守高太和人幼失怙母病割股以進得愈穎州府志

張瑀太和人事母極孝大雨屋傾母子俱覆人以為死及掘發

有二木交架其上得全人以為孝感所致穎州府志

郭守仁太和人性孝友父卒哀毀母疾日夕不離顛天求代家

貧胼胝作勞取衣食以給弟讀書年高無子人勸之置妾曰弟

之子吾之子也穎州府志

甯中立字爾強穎州人萬歷癸未進士選庶常改禮部主事晉

郎中疏請養母闋十八年母終服闋補原官擢尚寶丞卒於官

平居讓產於兄好周人急鄉里稱之江南通志

汪時譽霍邱人九齡失怙事孀母孝三遇母病皆割股得愈後

時譽病其子如演亦割股愈之江南通志

丁潭穎州貢生其貧刺骨而甘旨必供母病三月日夜執手涕

泣踰垢皆親澣洗穎州府志

常有榮太和人流賊入境率子從教以車載繼母逃遇賊將刃

其母榮哀泣求免轉刃榮從教抱父求代賊感其孝釋之仍令

載母而去江南通志

丁德亳州人母病篤晝夜焚香禱天求代母思食鮮菌隆冬不

可得泣禱於院一夜勃生遂羹以奉母母壽至九十餘亳州志

周永祚亳州人母早亡侍父三十餘年同臥起負之出入父歿

廬於墓傍二載而卒江南通志

劉之龍霍邱人流賊至繼母年八十四負之而逃遇賊於途之

龍以身蔽母受傷幾死賊釋之穎州府志

劉廷臚穎州人父九光分藩梧州促廷臚歸舟次英德聞梧州

火恐其母驚怖亟易小艇返梧後父移節潯州母寢疾於舟日夜侍湯藥不懈及母歿哀毀數日卒

潯州府志

盧象鼎潯州人親喪寇至人勸之避以柩在堂守死不去同時孫應傑太和人母方卒寇至不忍去賊疑柩中有金欲啟之傑以身徯賊斷其手開視歎息為完其棺而去

江南通志潯州府志

張大賡字颺甫潯州人鶴鳴子也流賊破潯一門殉難三十餘人大賡死而復蘇哀痛殞歛裹創走京師與兄大壯哭請於朝父鶴鳴得賜祭葬叔鶴騰兄大同咸得旌表

潯州府志

韓獻策字起卿潯州人崇禎甲戌進士流賊破潯一門殉難十有一人獻策上疏陳父光祖殺賊被難及一家慘烈之狀特賜軫恤尋授行人使唐藩程期嚴追加以哀毀慘泣甫還而卒

江南通志

劉昭明潯州人性孝友子十餘人多舉於鄉同居不析產昭明卒次子士璽持家政客至兄弟皆集互相侑勸賦詩酬答白首無閒客無不心醉而去者

潯州府志

劉全印潯州人事母篤孝母微病即夜不解帶必全愈而後已居喪哀毀三年不入內室

江南通志

張其允潯州人性孝友從兄卒撫其二子二子又亡復撫養其養孤兄卒值寇變伶仃孤苦必攜其子與偕既免難教之讀書以己田分給之其後諸姪多有為諸生領歲薦者與人言無不

感激流涕

潯州府志阜陽縣志

任翼宸潯州人父偉遇寇矢中腰創甚危翼宸每當敷藥必口吮患處旬餘創愈

江南通志新傳

卜育德潯上人少不慧其兄入庠而卒父痛念之育德乃發憤

自勵冀以釋父心果一年而工詩文入邑庠父卒廬墓三年繪父像對之讀書後以歲薦官荊門州判穎上縣志

國朝甯掄穎州諸生十齡失恃哀毀如成人父子慶官京師以病

告歸閒關三千里寇盜充斥掄晝夜扶持不少離遇賊感其孝

得釋歸里父卒喪葬如禮季弟年少教之成立弟死撫其遺孤

辛勤尤至穎州府志 阜陽縣志

鹿來師穎州諸生明季寇難母劉以救姑殉節痛心疾首毀不

欲生營葬之日一夜鬚髮盡白歲時至墓門淚泣不勝教諸子

以孝友家法整肅近世莫比穎州府志 阜陽縣志

曹元聲蒙城貢生父邇嘉遇流寇不屈被害元聲縋城奔救身

被七鎗奪父屍而同穎州府志

沈允達穎上人康熙元年有盜入其室執父九德拷掠允達越

垣告急鄰莫之應奮然曰父如此何以生為赴鬪而死一統志

王正純霍邱庠生生六月而孤事節母汪盡孝明季兩遇寇難

挺身泣救幸而得免順治二年郡舉孝廉以母老辭不赴霍邱縣志

邱文尤太和人繼母患病三十年服侍湯藥不少懈居喪哀毀

歲時泣奠親墓年九十猶如故幼嗜酒父戒之遂終身不飲穎州府志

李慎穎州歲貢童時流寇陷穎祖母楊罵賊被害父孕生以身

殉母韓氏赴水死慎沿河數百里哭求母屍哀感行路穎州府志

李鴻勳穎州人父卒廬墓三年阜陽縣志

甯世簪字筆公穎州人康熙乙丑進士官翰林編修癸酉典試

黔中事竣便道省親其父曰吾老矣不忍兒遠離相對泣下抵

京遂告歸居喪哀毀幾至滅性後服闋赴補督學中州穎州府志

李允齡潁州人性孝本不飲因父嗜酒日侍卽以酒相娛樂父省墓路卒允齡馳往一慟幾絕既葬廬墓三年自是不復飲

縣志

譚籍太和人四世同居父病割股以進得愈同邑王廷瑄亦以

割股救親聞

江南通志

解子信蒙城人父病割股及卒廬墓三年同邑徐文明李供黃

麒生皆以親病割股聞

江南通志

盧所蓄蒙城人父病割股愈之後繼母疾又割股療之

蒙城縣志

李長桂亳州人康熙戊子武舉母朱氏早亡事繼母魏如所生

繼母卒廬墓三年乾隆元年舉孝廉方正旋卒四年

旌表建坊

一統志

王我格霍邱人事父母以孝稱後父歿於寇格從戎戰中百死

一生覓得父骸歸葬家貧拾橡採蕨以供母後稍裕兄不能治生迎而養之撫其子若孫同居三世初與許氏有婚姻之約許家破於寇子爲人所掠買徧覓得之贖歸仍以女妻之其重信義如此

霍邱縣志

李恂穎上歲貢鄰火延燒二百餘家恂父柩在堂前後俱焚恂

環棺痛哭風轉火息父柩得免人以爲孝感

穎上縣志

張祚運穎上農家子衣食不給而奉母甘旨不缺冬月母病思

魚祚運緣冰求之忽有鯉自冰躍出持以奉母病尋愈又常思

食兔羹求之不得歸乃遇一兔在籬下人皆異之

穎上縣志

董起玉霍邱人家貧事親孝父歿不能斂典身治棺營葬一日

偶出室中火起急奔歸呼母不應突火入救不知其母已爲人

破籬救出矣室倒火壓竟以焚死

霍邱縣志

王昌岐穎上人善治生知父愛其弟盡將居房併田地千餘畝推讓之後又獨力建家祠置義田合族欽其孝友

穎上縣志

沈應庚亳州衛千總父病侍湯藥衣不解帶者數月焚香禱天願以身代聞醫言糞苦則無憂嘗之喜而告醫投藥得愈

亳州志

梁守約亳州人母歿廬墓三年黃水泛溢平地深尺餘猶依依不忍去

亳州志

董孝亳州人家貧傭工養母母歿不知何者為禮訪於鄰有教之者依而行之既葬遂廬於側日肩土培之六年墳高至二丈

許亳州志

陳會一穎上人年十八父病肺癰將絕會一搶首呼天投繯於梁請以身代家人救之得甦父忽嘔血數斗病遂愈

穎上縣志

朱履厚霍邱人父病噎廢食履厚日夜悲泣聞六安神籤最靈

往求之籤云親人替之可愈夜潛登塔臨十餘丈奮身擲下寺僧救之尚能言姓名道來意僧即使人呼其弟至語之曰吾代父死汝善事之言畢而絕父病果愈

霍邱縣志

王遵感霍邱人父病篤割股得愈未幾復病又割以進創深幾絕聞者哀之同邑金玉相年十五父病篤禱於城隍神願減己算父得愈母疾割股救之亦愈又諸生白藻亦以割股救母聞

霍邱縣志

李九成霍邱庠生親歿廬墓三年同邑許瑤寶夢熊庠生吳沈皆以親歿廬墓聞

霍邱縣志

程士俊霍邱人雍正閒舟泊洪澤湖夜有人厲聲曰程孝子船免死平日眾船覆程獨無恙父患疽已不治禱天求代父夢神

語曰憐爾子誠孝瘡愈矣明日痲脫

霍邱縣志 新增

王國偉太和增生家貧舌耕以養而甘旨必供兄國佐出繼而
緩急有無又時割所入以資助之後漸裕一切義舉知無不為
乾隆三十七年

旌表建坊 太和縣志

解宗溲霍邱人邑大水房屋淹沒繼母王在室未出宗溲奔入
救之屋傾俱死水退拆屋見母子相攜狀如生人皆哀之 霍邱縣志
宋廷柱頴上人父客死廷柱奔赴哀毀欲絕扶櫬歸露宿百餘
日服闋後婚仍侍母寢母病拘攣飲食必躬進病篤嘗糞知不
起哭不欲生及卒寢苦枕塊茹素三年嘉慶四年

旌表建坊 頴上縣志

張可式頴上人六歲時母卒痛不欲生孝事繼母如母後父病
服侍湯藥衣不解帶及卒哀毀奉母合葬廬墓三年嘉慶二十

一年

旌表建坊 頴上縣志

周樂山頴上人父病跣步不離衣不解帶及卒哀毀骨立既葬
廬墓三年嘉慶二十四年

旌表建坊 頴上縣志

李騰蛟頴上武舉都司銜七歲時父患病嘗藥奉侍如成人及
卒哀毀喪葬如禮母患赤瘡以舌舐之累月而愈後患痰疾服
侍起居不解帶者數載母卒事兄若父與弟友愛無間嘉慶二
十四年

旌表建坊 頴上縣志

王天保太和諸生七歲喪父日夜啼泣聞母悲愴即強嬉戲或
誦書文以怡之母冬病熱思西瓜徒步百里得而進之即愈母

卒廬墓三年道光五年

旌表建坊

太和縣志

吳如皋太和諸生弟鳳山廩生父病醫言須參如皋鬻產售以進之父歿奉母命惟謹母或不怡必兄弟偕跪俟色喜而後起及卒廬墓三年

太和縣志

朱景雲霍邱人性孝事本生父母與所嗣父母如一及卒並廬墓三年道光六年

旌表建坊

舊志

李為端穎上庠生嘗割股以愈祖疾同邑張榮割股愈母疾

穎上縣志

縣志

李舜年穎上人兄弟析居有良田三百畝悉推讓不取兄歿子幼隨母寄外家舜年挈之歸以己產五千金分給之

穎上縣志

余錫純穎上貢生母早卒弟三人皆繼母出父將析產有田四百畝錫純盡讓之諸弟弟又蕩盡復以己田二百餘畝給之

穎上縣志

縣志

王者輔穎上人三歲喪父事母極孝既有室夜半數起視母安冬月必坐於足以溫之母年八十餘卒輔已年老猶廬墓側哀泣不止

穎上縣志

孟自魁霍邱農人五世同居從無間言

霍邱縣志以上舊志

張賢卜字善交太和人七歲時母薛在陝西死教匪之難藁葬涇陽賢卜隨父回籍弱冠閒關赴陝負骨歸窆

大和縣志以下新修

馬希聖蒙城人父病同妻王氏割股食之愈

蒙城縣志

李如柏字茂軒蒙城人繼母病篤割股以療

蒙城縣志

李昆阜陽人割股愈父病

阜陽縣志

李成玉蒙城人母病篤刲股啖之愈蒙城縣志

賈佩蘭渦陽人母疾刲股以進愈渦陽縣志

陳廣泗潁上人父病篤截小指和藥以進立愈潁上縣志

彭大本霍邱人兄病割股煎藥服之愈霍邱縣志

張祝潁上人侍父病年餘夜走雪中七十里求黎以供父嗜父

歿哀毀骨立潁上縣志

方遇春潁上人父母相繼歿廬墓三年潁上縣志

劉冠甲阜陽文生侍父母疾五年不懈親歿廬墓六年阜陽縣志

李復本阜陽人家貧母歿未葬火延其居水漬衣被覆匱上誓

以身殉火落匱上手輒拂之頃之屋燬匱竟獲全復本兩手糜

爛亦無恙阜陽縣志

趙卿雲朱暄俱阜陽人母歿均哀毀廬墓以終阜陽縣志

王大用王二用阜陽人兄弟俱傭工養母日必歸省美食時衣

無缺阜陽縣志

劉朋會太和農人母患癱疾左右奉養三十餘年不懈太和縣志

胡大中太和篾工傭力所得悉以供親有兄四人貧不能事父

母喪葬悉獨任之并給諸姪困乏太和縣志

陳繼釗太和人親歿弟求分爨田產器物任弟自擇後弟家落

仍取分券焚之同居如故太和縣志

王天祿亳州雉河集諸生年十六侍父疾水漿不入口父歿哀

毀骨立母病學醫通其術母獲長壽兄弟三人以友愛稱渦陽縣志

張振玉亳州文生父歿廬墓三年餘卒於墓側又何承寬廬母

墓三年亳州志

何琛亳州人嗣母卒哀毀幾不起本生父歿嘔血逾年卒亳州志

宋其章阜陽人佃田得米以養母妻詈之章怒扼幼子吭哭曰

養兒防老我不奉母奚用子為妻感悟遂孝養其母阜陽縣志

耿九阜陽人奉母備毫北母思歸行二日病卒九負尸踏冰雪

行乞抵家葬畢以毀卒阜陽縣志

錢中榜穎上監生父母同時臥病不離左右者七載析產後以

己地畝讓於兩兄中榜歿子峻廬墓三年穎上縣志

姚同山穎上歲貢以祖遺田畝盡讓兄弟教讀自給又文生饒

機祖遺田五百自取百畝餘悉讓兄增生徐行修讓產與姪穎上縣志

陳子厚字五峰霍邱廩生與弟子美子實相友愛居母喪子厚

宿柩旁三年每食必祭哭鄰人侵水道置不校會大旱別鑿溝

蓄水有雙鯉躍出遂成甘浸人名曰孝感泉霍邱縣志

陳懷璞阜陽人母病刲股和藥母歿捨匪猝至守柩不去遇害

阜陽縣志

李聯棻阜陽文生捨匪至父老病不能起棻泣曰殺我勿殺我

父賊均舍之阜陽縣志

馬蘭棻阜陽文生同治三年土匪殺其父成風蘭棻馳救被執

不屈死阜陽縣志

王純忠阜陽人遇賊護母被害母受傷而逃純忠見形於家人

告母所在如言求而得之阜陽縣志

張鳴和阜陽人賊獲其繼母又庠生陳增賊獲其母均以身代

死而免其親阜陽縣志

劉希賢阜陽人年十五遇賊欲傷其祖母哀泣求代乃兩舍之

又宋金柱年十三父被戕罵賊死之阜陽縣志

李桐林阜陽人負父被擒逆難弟棟林負母子廷用負木主遇賊於途其父死焉桐林等憤鬪均遇害阜陽縣志

耿雲漢阜陽人扶母避難賊殺其母雲漢死之阜陽縣志

鄭效賢鄭一賢穎上人同母被擄給賊釋母去兄弟皆不屈死穎上縣志

趙國蘭黃逢昌俱穎上文生賊獲其母求代死不允均以身殉穎上縣志

王竹兒霍邱人父被賊執將加害竹兒泣以身代不得罵賊死霍邱縣志

王炳燦霍邱監生救父被賊害又王守恭王守敬徐承先何選

文何長文王藩卿竇樹槐均救父遇害周載一周錫蔭胡某均

救母遇害霍邱縣志

夏時雷亳州人與賊力鬪死而免其父又張廷貴遇賊不屈子

懷珠憤鬪均死之亳州志

姜濬川太和人咸豐年擒賊追逼其父母濬川拒戰死父母得

免又劉振關二王興俱救母被殺李瑞雲救祖母被殺太和縣志

樂秉道太和人咸豐五年擒逆紛竄秉道侍父病被執不屈與

弟秉鈞姪雲路雲祥雲聚均死奉

旨旌卹專祠專坊太和縣志

盧景禹太和人戰賊淝西救護伯父文風並陣亡太和縣志

夏明奇太和人父化雲禦賊受傷明奇救護中槍死太和縣志

張小降太和人年十歲父為賊殺哭罵不屈被害太和縣志

穆景鳳太和人寨破父死景鳳入賊中覓父尸遇害太和縣志

王萬年太和人賊至護母同時遇難太和縣志

葬負土築墳廬於墓側蔬食三年成化中旌

明史孝義傳敘
江南通志

徐昇字仲高來安人資性敦厚讀書守禮族屬百餘口同居共

爨庭無閒言

江南通志

盧守一滁州人六世同居萬厯閒詔旌其門曰尚義

明史孝義傳敘

孫庸字又良滁州人父景和市馬廣西道死南甯官為藁葬庸

以遺腹生及壯銳意訪父遺骸徒步之南甯徧歷山谷有二嫗

指示葬所因而掘之遂得枯骨刺血以驗乃負歸營葬廬墓三

年哀毀骨立

江南通志

袁悅字兌卿全椒廩生七歲喪母祖母魯孀居撫養魯卒悅哀

毀盡禮刻像奉事朝夕不離出入必告三十喪偶不復娶

滁州志

楊廷猷字君俞全椒庠生與弟廷翰友愛甚篤廷翰以萬厯乙

卯武舉授守禦千總征焦湖賊有功未受賞卒廷猷哀痛不已

亦卒遺命與弟合葬焉

全椒縣志

邵煒字維張全椒庠生父卒終身不飲酒奉事孀母能先意承

旨兄鰥居迎而養之從弟貧困捐資為置產舉人李鵬南幼時

家貧習賈煒見之曰此子可教其母以無力辭煒供給教誨之

遂成立

江南通志
滁州志

濮渠滁州人母卒侍父寢三年不入私室事繼母孝有異母弟

五人友愛無閒人不知其為兩母出也

江南通志

邵希伯字成我全椒庠生與兄希曾受父煒教詩禮皆有家學

事兄恭敬至老不衰每食必以先兄事必稟命後行人稱弟弟

江南舊通志
全椒縣志

余亮滁州人家貧性孝父老亮習藝以養得酒肴必跪進歌舞

侑食冬以身溫衾席抱足而臥

滁州志

王方滁州人早失怙事孀母盡孝事必奉命而行及卒廬墓三年滁州志

吳國瑞全椒人父病篤顙天剝肝以進得愈同邑廩生吳爾謀亦割股愈母疾江南通志全椒縣志

金光璧字文宿全椒諸生父九陞以湖南兵備致仕歸行至中途夜遇寇光璧負父突圍出不及於難家居助喪葬賑饑僅葺學宮建宗祠義行甚多江南通志滁州志

國朝吳國器字玉質全椒人父病泣禱於神割股和藥以進得愈同邑庠生吳一龍事親純孝兄卒撫姪如子江南通志

金光軫全椒人自粵西父任與弟光昊扶母輓歸徒跣上梅嶺風雨驟作力不能支呼天泣禱雨止風收既得附舟石觸舟漏號呼扛輓得達旁舟原舟遂覆人以爲孝感兄光婁卒遺孤麟

甫數月撫之如子遂得成立全椒縣志

金新鼎字仍之全椒廩生性孝友好義歲歉出粟賑濟母病衣不解帶及卒號踊絕而復甦者數四未幾遂卒江南通志滁州志

賀朝官字五章來安人以歲貢應得選稱疾不赴父老鰥居與同牀臥起者二十年弟家中落更以己產分之來安縣志

趙吉尹來安人母疾割股以進得愈來安縣志

趙珍字寶臣來安歲貢母疾嘗糞以驗甘苦割左股以進不效又割右股以進果痊父患雙瞽以治目藥供神座前拜禱旬日迺煎以進遂漸明來安縣志

魯之琳全椒庠生父母歿前後廬墓六年康熙四十九年

旌表建坊江南通志
王相滁州衛人幼失怙事孀母賈氏盡孝年老畏寒相先溫枕

席十餘年不替母齒盡落含哺進之及卒哀毀比葬廬墓日夕
哭奠御史蘇叢聞之往禮於其廬滁志

吳旦字卿雲全椒增監生考授州同知翰林侍讀國對長子少
喪母事繼母甚孝從父官京師父苦寒且身溫衾以俟睡早起
取父衣先衣之俟溫然後扶父起弟助字夫力亦以增貢考授
州同知旦先卒助撫姪如子友愛異母弟有以析產言泣謝不
許邑西北山低獨捐數千金建一閣嗣後科甲不絕全椒縣志

旌祀孝義祠全椒縣志

李龍光字封山全椒庠生乾隆初以孝行

旌表建坊全椒縣志

郭姬祉字錫蕃全椒貢生事父母及繼母皆極孝性又好義並

義倉埋露齒以子肇璜官

封翰林院庶吉士以孫元澂官

贈朝議大夫兵部郎中乾隆乙巳奉

旨祀孝義祠全椒縣志

王朝佐全椒人貧甚為人傭以供母適外出家遭回祿突火入
負母踰垣力盡而顛遂同斃里人哀而謀斂見朝佐握拳負母
堅不可動遂合斂焉全椒縣志

韓九錫字席洲全椒人九歲喪母事繼母以孝聞兄病療割臂
肉療之親歿哀毀營葬盡禮歲首必肅拜墓前至老不替卒年

八十二全椒縣志

馮科魁字蘭洲全椒庠生家貧事繼母孝與異母弟及堂弟同
居日用皆取給於魁六十年無異志遇諸姪如子葬舅氏殯柩

重修安徽通志

卷三百四十五

人物志

孝友

四

滁 州

數具人皆義之全椒縣志

朱高樞字青橋全椒人嘉慶戊午舉人性純孝鄉里化之署直隸南宮縣有能聲卒於官季弟虎標辛酉舉人痛兄不祿號泣死仲弟仙柯歲貢匄資走數千里以兄弟之喪歸撫孤姪成立人謂一門孝友全椒縣志

金國澍全椒附生道光三年以孝行

旌表建坊司册以上舊志

張熙字庶成全椒貢生父疾刲股和藥以療全椒縣志以下新修

余家齊來安武生母疾篤刲股以療來安縣志

劉彭年滁州監生刲股療母病咸豐九年殉難滁州志

張之道滁州人少孤伯母撫以成立伯母子誤殺人之道引為

己罪戍黑龍江滁州志

徐嶧滁州人咸豐九年避難母與相失哭尋十餘日不食死滁州志

張沅滁州廩生張鑿之子髮賊執鑿沅乞代并遇害滁州志

程安仁滁州人奉母避難俱遇害滁州志

金麟全椒人國子監典籍奉母避亂遇賊鬪死母獲免事聞

賜卹廕雲騎尉全椒縣志

邱賓賜從九銜全椒人道光年以孝行

旌表全椒縣呈册

孫奏書全椒庠生賊至母投水死遂自縊又鍾家振母死於賊

亦自縊全椒縣志

馮擢滁州人賊執其兄擢力救被害兄得脫滁州志

和州

宋劉瑜歷陽人七歲喪父事母至孝年五十二又喪母三年不進鹽酪號泣不絕勤身力以營葬事服除二十餘年布衣蔬食言輒流涕常居墓側未嘗暫違元嘉初卒南史本傳 宋書本傳

明黃有常含山人元末兵興奉母遠避屢經艱險竭力扶護卒脫於難洪武初舉孝行授平陽主簿江南通志

王鎬字子京和州人永樂甲午舉人歷官戶部員外以廉能著奔父喪哀毀逾禮負土築墳手植松柏廬於墓側有芝二本生於墓人稱孝感江南通志

于纓和州人正統間父歿不作佛事廬墓側三年又三十年母歿哀毀廬墓如父喪有司欲舉旌典力辭而止江南通志

薛良和州人正統戊午舉人初授解州學正以父喪歸服除乞就祿養母改高郵歷知獲嘉縣又以母喪歸後任固始九載民

借畱甚眾因加通判仍知縣事天順間以孝行旌明史孝義傳 和州志

唐慶字以璋含山人少喪父家貧事節母孝母疾顛天求代又奉養嫂甚謹撫兄弟遺孤二十餘年如所生江南通志

張宏道字志甫含山人嘉靖己酉舉人母喪廬墓因母存日畏雷每聞雷聲中夜必起伏冢旁呼曰兒在此當事薦其至行特授國子監學錄江南通志

趙為光和州庠生親歿廬墓三年江南通志

閔應榜和州人母病篤從左脇剖肝片許和羹食母頓愈同邑詹雨潤年十一父病剖股以進得愈又王宏中母疾同妻魯氏割股進亦得愈江南通志

蔣燧含山人父卒廬墓三年萬曆間旌其門曰孝子里含山縣志

張壁含山人五世同居含山縣志

汪奇敏含山人割股療母後奇敏病其子迅亦割股進得愈同
邑蔣崇仁父母病割股以進者三皆得愈又蔣株劉大智皆以
割股救親聞

江南通志
和州志

王畿含山人先世官楚遂家楚明崇禎時隨父宗孔任含山訓
導會盜亂道阻因復家含山撫孤姪如子父卒茹素終身

含山
縣志

舊志流
寓新移

毛羽魁含山人繼母病兩次割股療之同邑張克文母病同妻
胡氏割股療之

和州
志

國朝曹超和州庠生順治十六年海寇犯江甯掠及州境超奉親
出避猝遇寇兵欲戕其父母號泣請代寇憫而釋之家貧力具
甘旨以養居喪負土作墳家有父植紫薇一株久枯超每對之
號慟忽發花人稱孝感康熙四十二年

旌表建坊一統

薛文和州人與弟化禮俱傭力養母一出傭一畱侍以爲常母
歿殯葬畢俱以毀卒康熙四十二年知州何偉表其閭

先正事
略新

戴晏和州人及弟杲事親篤孝父喪哀毀絕而復蘇旣葬並廬
墓側三年康熙四十四年

旌表建坊

江南
通志

徐繼穉含山庠生父母繼歿哀毀盡禮結廬墓側前後六年一
夜聞母在廬外呼之穉驚起出視廬垣忽倒得免於阨又時有
白燕飛鳴之異康熙五十三年

旌表建坊

江南
通志

趙珮和州人年十一母病篤顙神祈代伏地未起恍聞神語許

之母既平復珮亦無恙孝敬奉侍歷五十年二親繼歿哀毀骨
立墓在深山素多虎患珮廬於旁馴伏無犯人多異之雍正六
年

旌表建坊

江西通志

張弧和州人自幼隨兩兄居父喪卽哀毀成禮孝事孀母食必
躬進母疾虔禱乞以身代夜夢神允其請母旋愈而弧果病臨
卒泣囑二兄惟曰善事老母他無所言

江南通志和州志

郭珍含山廩生父母繼卒號泣不欲生三載不入內室不茹葷
酒每出郭門經墓所必泣拜終其身

和州志

唐紳含山人七歲喪父孤苦零丁常省己食以供母煖母病湯
藥先嘗及卒哀痛欲絕比葬廬墓三年同邑蔣嘉孫親病疽以
舌吮潰處及卒廬墓二年又唐延皋汪洪慶賈之璧皆以親歿

廬墓聞

和州志含山縣志

張之涓含山庠生幼喪怙恃祖母李撫育之李年八十齒落不
能食令妻黃氏以乳哺之既卒哀毀營葬母素畏雷聞雷鳴必
繞墓哀號

含山縣志

張賓字斐忱含山廩生生周歲父卽遠出年二十餘決意尋父
徒步跋涉至北京又至廬山往返十餘年後至湖廣石門縣花
草都得相遇奉以歸

含山縣志

洪良瑜含山人以冶鐵爲業親歿廬墓朝出治生晚居廬獨宿
雨雪不違有少婦扣廬借宿瑜拒之不肯去乃以火送至其家
仍還廬中

含山縣志

袁美玉含山人父病刲股療之母患癱左右侍湯藥不入私室
者十餘年同邑吳貞瑞年十三父卒哀號思慕如成人母病目

左右奉事不出戶者三十年恭事二兄白首無間

含山縣志

嚴廷玉含山人幼失怙事母三十餘年未嘗少失母意及卒號

哭不絕聲勺飲不入口以毀卒

含山縣志

呂聲玉含山庠生父病割股療之得愈其孫諸生世昌亦割股

療繼祖母同邑汪之浚王世第皆以割股救親聞

含山縣志以上舊志

張嶺高曾俱含山人道光年以孝行

旌表

科鈔以新修

宮九峯含山人乾隆時與妻湯氏俱孝謹母病侍湯藥十三年

無懈及歿廬墓三年又徐允支母病嘗糞母歿廬墓三年

含山縣志

李文泰和州人嘉慶年間割股療母又張咸剛母病亦以割股

而愈

和州志

章庚字西垣和州舉人侍母病四年不懈居喪哀慟三載未嘗

見齒里有逆子感化改行道光癸未水荒庚貧不能舉火路見

錢券二百五十緡錄還其人

和州志

張德科和州人親歿廬墓三年泣血而卒道光二十一年

旌表

和州志

慶之源字道沂含山廩生生有至性言動循禮歲祲賑貧父母

相繼歿哀號絕粒而死奉

旨建坊祀孝義祠以子錫綸官

贈奉直大夫

含山縣志嚴樹森撰墓表

徐允培含山文生父病瘍吮之而愈

含山縣志

范進方和州人事親以孝聞咸豐七年葬其父母賊至守墓不

去被害

和州志

趙德忠含山人母歿泣血父病嘗糞卒復廬墓同治元年髮賊

重修安徽通志

卷三十四

人物志

孝友

九

和州

竄至德忠哭墓絕粒死

合山縣志

孟康年和州文生捨賊竄境侍母疾不去被脅赴水死

和州志

干榮江陸如琳王考成俱和州人賊至侍母病不去被害

和州志

楊在奎和州人賊刺其母在奎以身蔽母與家屬五人均死之

母得免

和州志

陸森和州優庠生髮賊再竄和州森負母奔數十里始脫於難

母以憐死森哀慟卒著有播琴軒詩稿致遠山房雜記

和州志

蕭章含山人父被賊執章哀懇得釋遂罵賊而死又金為發張

新謨宮學王附生張維坤文童胡蔭蟾均以護母被害

合山縣志

廣德州

唐潘晃廣德人事母至孝嘗以役事至京一夕夢祠山神告曰

汝父病篤晃驚覺日夜奔以歸復夢神曰汝父病愈歸問其故

果如夢申言後父卒廬墓芝草屢生元宗詔旌其門授廣德令

一統志

宋王安兒建平桐汭鄉人鄉舊有廟父病篤禱於廟割股和粥

以進父愈鄉人名廟為割股廟

江南通志

李貴建平人居原通鄉事親至孝處宗族鄉黨調貧卹孤遠近

無間鄉人名其居旁之橋曰孝義

一統志

李彭年廣德人紹興間進士嘗割股以療親病後二親歿於兵

思慕不已蔬食終身高宗表其門曰旌孝

萬姓統譜

陳士儀廣德人親卒廬墓六年歲荒捐穀三千石賑饑南渡時

軍需匱乏助餉十萬帝嘉其義

廣德州志

范日進建平人宣洵時家眾三百口敦睦無閒言鑿雙井共汲

子孫感其義無析產者

一統志

明姚觀壽廣德人父病割股療之洪武閒以孝行旌

明史孝義傳

潘顯建平人父尙直永樂閒歿於王事顯哀毀廬墓三年景泰

時歲饑煮粥以賑多所全活

廣德州志

湯文炎廣德人少失恃繼母生弟妹九人文炎事之盡孝析產

先諸弟而後己以父蔭官采石雖食味必先獻父母然後敢食

人稱純孝

廣德州志

王應鯉字時化建平人嘉靖壬子舉人繼母歿哭泣喪明二年

後漸復同邑胡湛明父母有疾衣不解帶二人皆以講學著名

廣德州志

孫允昌廣德人事孀母劉孝養備至母病侍疾嘗穢衣不解帶

者累月同州庠生許致身割股救親訓弟成名終身不履曲徑

廣德州志

陳常建平庠生父卒廬墓母歿亦如之同邑庠生宗文獻母病

不解帶者三月及卒廬墓虎繞其廬不為害又潘事心李茂俱

庠生父母卒廬墓六年不入寢室

江南舊志廣德州志

王棟臣建平人年十四割股以愈父疾兄宦辰州卒徒跣抵楚

昇骸歸撫姪成立為之婚娶

廣德州志

宗翔南建平人年十四母病聞其父曾割股療祖疾遂引刀割

之和藥以進後翔南病篤妻沈氏亦割股療之同邑史贊化父

病割肝療之愈

江南舊志

姚景鼇建平人父卒廬墓三年猶不忍歸遂課子於其中又三

年事後母亦以孝聞

江南舊志

王國義建平人遺腹生語及父容輒流涕母歿廬墓兄早逝無

子歲時祭祀必盡哀

廣德州志

王顧八建平人母病衣不解帶日夕禱天願以身代割股四寸

餘和粥以進又嘗吮父疽侍藥累月不懈

江南舊志

宗光國建平諸生父為仇飛構頓顙流血泣代父杖臺使者宥

之歲歉賑饑施棺有貸金者將鬻妻以償即焚其券更賜給之

江南舊志

田士聖建平人幼失怙事母至孝母卒號慟欲絕斬茅為廬獨

居守墓三年如一日

廣德州志

葛允仁廣德人十餘歲母病割股愈之母卒事繼母委曲承順

父歿廬墓同州張守信幼失怙母病割股救之及卒廬墓三年

廣德州志

國朝包虹廣德庠生父病嘗糞禱神求代及卒廬墓三年

廣德州志

雲載德廣德武舉弟庠生潤礎客湖州死非命載德聞之號慟

泣訴兩浙當事為猾吏所沮痛冤不伸赴京控部事得白羣凶

服辜

廣德州志

宗維漢建平歲貢生父患背疽維漢吮舐得愈後父歿奉母史

氏至孝母歿廬墓悲號暈絕經日始蘇嘗先後出母所遺金施

粥賑貧掩骼埋胔築長圩潰隄十里完固雍正十一年

旌一統志

潘宗鈿建平人年十三父佐龍以事逮訊臬司未行病劇甚宗

鈿請代父行極拳就道數月得釋星夜馳歸及門見父猶未痊

弟又病亡遂以憂勞成疾卒聞者傷之

廣德州志

步濬文廣德人父禹功以事遣戍甘肅挈繼妻李偕往文年十

七請隨行既至戍所逾年還後一年負擔往省三十六日而至

重修安徽通志卷二百七人物志孝友

廣德州

父遣之歸越五年又往父又促之歸後復往既還而父病歿潛
文聞訃哀慟卽赴成所囿父骨并迎繼母及幼弟歸時弟年十
四生於成所者也潛文不讀書家又貧甚乃於十餘年中往反
數千里外凡五次亦可以教孝矣廣德州志

王家發建平人早失怙事孀母孝母疾籲天求代及卒喪葬如
禮廬墓三年道光二年

旌表建坊

建平縣志
以上舊志

裴洪玉建平人道光年以孝行

旌表

科鈔
下新修

王相品建平人躬耕養親父母歿俱廬墓三年建平縣志

夏尙隆建平人割股和藥療母親澣茵和母歿廬墓三年寇至

守墓不去城陷投水死建平縣志

王承雲廣德人咸豐十年賊撲州城父子三人同被脅承雲泣
告曰父老弟幼難供驅使獨我可賊然之但脅承雲去過溪投

水死時年十四廣德州志

呂型建平廩生事親以孝聞寇至型侍母病不去遇害又呂偉

以救母遇害文生王鼎甲王增甲俱以救父遇害建平縣志

六安州

宋何子平廬江瀟人事母至孝文帝時爲海虞令得祿唯供母
不及妻孥人或疑之子平曰祿以養親不爲己也母喪去官哀
毀踰禮每哭頓絕孝武末東土饑荒繼以師旅八年不得葬晝
夜哀號如在袒括日食唯粥不進鹽味所居不蔽風雨兄子欲
爲葺治子平不肯曰我情事未伸天地一罪人耳屋何宜覆蔡
興宗爲會稽太守甚加矜賞爲營冢壙南史本傳

梁何炯廬江瀟人父樽大中大夫炯年十九解褐揚州主簿累

遷治書侍御史以父病陳解侍疾踰旬衣不解帶頭不櫛沐信

宿之閒形貌頓改及父卒號痛不絕聲遂以毀卒南史何尚之傳

明黃用賢字以能六安人幼孤事母孝及卒廬墓有泉涌虎馴

之異兩遇火災而廬不毀成化時旌一統志明史孝義傳敘

張時厚六安諸生母喪廬墓遇雷雨繞墓呼曰兒在斯有烏兔

馴擾之異宏治間旌明史孝義傳敘江南通志

黃岳六安人母病刲股以進立愈同邑李世芳亦以刲股救親

單植字良祿六安人父傳會試卒京邸訃聞哭踊頓絕及葬廬

墓三年後中宏治乙卯舉人江南通志六安州志

周傑六安貢生父喪哀毀踰禮廬墓三年江南通志六安州志

關依禮六安人父卒麻衣草帶廬墓三年夜半繞墳哭土人時

聞廬畔有鼓樂聲以為孝感六安州志

廬昭六安人性至孝母嚴毅嘗痛撻之歡然承受前母兄早卒

撫其子如子人皆義之六安州志

李九疇六安人父早卒祖老且貧事之盡孝及卒喪葬如禮嘉

靖閒詔旌其門為順孫妻郭氏亦以孝稱明史孝義傳敘江南通志六安州志

武紹元六安庠生父疾鍼灸必以身先居喪哀毀四載不入寢

室事聞獲旌江南通志

段宏仁英山貢生父卒哀毀及葬廬墓毒虺遠避羣鳥不驚正

德元年旌明史孝義傳敘江南通志

張紳英山人嘉靖時官東光知縣父卒廬墓三年朝夕哭奠有

枯樹復生之異事聞敕建孝行坊江南通志六安州志

吳繼宗六安人祖母病疽割股進得愈江南通志六安州志

何金六安人遺腹生事母孝母疾篤金為嘗糞及卒廬墓三年

萬歷閒旌明史孝義傳敘江南通志

馬應乾英山庠生幼失怙母疾二十餘年未嘗離臥側割股二

次不令人知及卒廬墓三年同邑歲貢胡昭祖父卒廬墓三年

後歷官漳州府同知江南通志英山縣志

段孟垣英山人力田養母母卒廬墓三年同邑傳得年事繼母

如所生鄉里稱之江南通志

黃道南英山廩生明季負母避寇自蘄州至黃州兩遇賊皆感

其孝得釋六安州志

王敬承六安貢生孝事繼母負以避亂遇虎泣以身當虎虎搖

尾去英山縣志

張餘慶霍山人與弟諸生紹慶同居友愛弟病疫延醫祝神皇

皇若失及弟卒驚怛伏几就視則亦絕矣時人哀之六安州志

項倫霍山諸生親歿廬墓三載中年喪妻不復娶鄉人稱為孝

子義夫江南通志

國朝傅繼訓英山歲貢八歲父卒同兄奉母避寇朝陽若母病兄

弟守護不離及卒喪葬如禮兄被賊執涕泣請代不許則請同

死賊義而兩釋之六安州志

邱從先字甯野六安人父民達明季守城罵賊死賊退從先於

積屍中刺臂血瀝之驗得骸骨歸葬奉母避亂流離困苦不缺

甘旨撫弟姪俱成立一統志

胡自南英山歲貢隨父避兵兄弟五人皆死於難後父卒廬墓

不歸流寇焚山環墓號泣火忽滅六安州志

馬晉錫字于蕃六安人父之光明季舉人嘗為友人贖婦救路
人於瀕死晉錫中康熙癸卯解元授崑山教諭母早卒以不得
逮事飲泣終身不茹葷酒父卒於官扶柩歸里事繼母盡孝撫
異母弟如同胞將卒語諸子曰善事祖母大江南北無不知馬
孝子一統志六安州志

張奮志六安人萬里尋父骸骨歸同邑傅形銓父客粵久銓隻
身尋歸事母極孝六安州志

楊茲字芸圃六安人康熙庚午舉人以母老不赴會試授經霍
山母忽無疾而逝茲奔赴不及訣遂以哀毀卒六安州志

蔣叔禎六安人康熙甲午舉人會試歸至壽春聞父喪星夜馳
歸以哀毀卒六安州志

程之光六安歲貢父病癱朝夕不離側為吮其患處繼母痢奉

侍不懈雍正六年

旌祀忠孝祠六安州志

黃大本六安廩生父為竹出嗣仲父事所嗣母如生母大本與
弟大仁皆以孝聞母卒哀毀終喪猶不入寢室父病嘗糞及卒
廬墓三年兄弟友愛論學或至夜分大本先卒大仁撫其子如
己子乾隆三十八年大本以孝行

旌祀忠孝祠大仁歲貢晚年詮著六經尤邃於易一統志

張級六安庠生父年八十時級亦六十餘父疾衣不解帶四十
餘日其子請代級曰吾正恐欲長為此不可得耳及卒喪葬祭
祀皆如古禮六安州志

陳國琛六安人父有疾兄弟遠館琛不離左右侍晝夜者六月
及卒哀毀因母慘戚移榻母房不入私室者九年六安州志

張圃六安諸生每夜必潛俟親熟睡而後去天未明即至寢門外夏扇冬爐事必躬親及卒廬墓葬地離家百里三年歸後思則獨往比晚還路無旅店嘗露處待旦因以成疾六安州志

楊文卓六安人父病刲股以進及卒喪葬如禮事孀母撫弟妹孝友無閒言六安州志

程鼎英山人康熙辛酉武舉少刲股以愈父疾與兄同居友愛族中孤弱者撫之嫁娶無資者助之嘗拾遺金還其人六安州志

汪肇基六安廩生與弟鳴岐維藩以孝友稱親及卒二弟斬衰廬墓又捐資建宗祠修家乘六安州志

傅有宗英山廩生侍親疾衣不解帶父母相繼卒泣盡成血及葬廬墓三年羣燕來巢同邑拔貢程光洛父疾顛天求代及卒偕弟浚等廬墓三年又歲貢鄧炯侍母病不離側者四年及卒

廬墓三年六安州志

沈詩和英山貢生母年九十餘躬負出入及卒哀毀不茹董廬墓三年同邑庠生沈應大母病痺痿應大晝則負以出入夜則侍寢凡十餘載及卒泣血三年六安州志

傅作彩英山人母疾刲股以進得愈六安州志
杜有律英山諸生父病刲股兩次延醫霍山去家百四十里負藥囊與醫同歸遇虎撲醫有律祝之虎捨而去父卒同兄有言廬墓三年母卒亦如之六安州志

祝熊六安人兄弟七人析居後獨熊侍母側兄有居山中者父往視夜忽水發漂沒廬舍熊聞赴救父與兄俱在樹上水深不能下熊立淺水中三晝夜始得負父同兄以歸六安州志

黃元魯字青麟六安庠生母病刲股以進得愈復病醫疑未決

元魯嘗糞知為熱疾投藥即效母歿哀毀嘔血數升及葬露宿

冢側三晝夜六安州志

段肇濂英山庠生母病三載朝夕不離剖股以進遂愈同邑沈榮親病剖股二次及歿哀毀骨立撫姪如子又庠生江漢文剖股愈父疾庠生鄧焜剖股愈父疾後焜疾其子大綸亦剖股以救焉六安州志

胡天經英山增生年十五時剖股愈母疾析居後分已產以贍

姪同邑拔貢鄧昌錯母病剖股食之立愈又夏念達沈承緒沈

承章皆以親疾剖股聞六安州志 英山縣志

吳嵩霍山人出嗣伯父為後其後母疾剖股和藥立愈父母卒每祭必盡哀雍正丁未舉家罹水阨嵩獨遇救年五十重娶得子後公舉孝行

旌表建坊六安州志

劉化麟霍山人母疾剖股以進母卒事繼母如所生雖勞不怨嘗拾遺金訪其人還之六安州志

劉乃馥霍山諸生父病革夜半焚香剖股以進遂愈弟歿後家落引姪同居飲食教誨如己子六安州志

程尙德霍山人父鰥居尙德侍寢不入私室曾兩次剖股愈父疾同邑庠生李驊父病衣不解帶者九十餘日焚香祝天剖股以進得愈又李世芳亦剖股愈父疾江南通志 六安州志

李從龍霍山人釋年割股救母嘗拾遺金守而還其人同邑家德溥年十二謝叔因年十一李植僅十齡皆剖股以療母疾又陳嗣禹者剖股愈繼母疾六安州志

戴正慤霍山人父卒哀毀及葬廬墓三年不茹葷酒六安州志

楊仁六安廩生母患癱瘓因臥牀得仁晝夜奉侍不離側者十二年及卒哀毀骨立號泣如孺子聞者莫不墮淚

六安州志

關箴字箴亭六安人乾隆庚子舉人官寶應教諭母疾侍側三載坐起扶持親嘗湯藥及卒哀毀痛絕復蘇與兄弟析產推肥取瘠在寶應時有三貧生陷飛訟為申雪復其衿

六安州志

黃廷珍六安諸生父大馥以武進士官忠州都司坐事戍伊犁廷珍隻身萬里三往省視後奉父南歸與弟廷寶承歡養志十有八年父病衣不解帶及卒水漿不入口者數日既葬廬墓家居好義婚喪不能舉者助之

六安州志

李秀芳字珍三霍山人乾隆五十六年以孝行

旌表建坊嘉慶元年舉孝廉方正

恩賜六品章服

六安州志

沈曰俊字魁士霍山諸生父病衣不解帶及卒哀毀骨立時祖父傷慟臥病俊忍哀寬慰祖病得痊又體其意為叔立嗣鄰有因病鬻妻者厚贈之得全嘉慶十年以順孫

旌表建坊

六安州志

鄭弈埤奕埏兄弟英山人埤年十歲埏九歲入邑庠父歿偕廬墓三年

六安州志

鄧襄字廷贊霍山諸生幼孤事母至孝宗族鄉鄰多食其德避戶讀書足跡不輕入城市

霍山縣志 舊志文苑 新移

沈世學汪顯仕俱霍山人嘉慶年間以孝行

旌表建坊

霍山縣志

孫世效霍山人父病割股和藥以進至卒喪葬以禮兄弟已析居兄嫂早逝遂命姪復同饗視之如子

霍山縣志

朱槐里霍山人六世同居無閒言霍山縣志以上舊志

聶溥六安人道光年以孝行

旌表科新修以

吳沈霍山人道光年以孝行

旌表科鈔

周啟奎六安人道光己酉蛟水暴漲奔省母墓溺死六安州志

黃榮浦英山監生母年百歲病時浦亦八十割股以療又捐田

課五十餘石行諸善事英山縣志

沈盛名英山歲貢父母病俱割股和藥以愈又監生傅守金割

股療母英山縣志

沈德深英山監生母病割股父歿廬墓三年又文生徐道朗王

企傑俱父歿廬墓英山縣志

王元和六安人割股愈父疾廬墓三年六安州志

鮑為鯉字海門六安增生父母歿廬墓各三年六安州志

周慶禮六安人父病篤割股以愈之六安州志

陳宏禮六安人父疾割股投劑中愈及歿毀卒六安州志

江繼福六安人親病割股及歿廬墓三年治家有法同居百餘

口無有私蓄者六安州志

彭應軫字金翰英山文生候選州同母病疽吮之割股調羹以

療英山縣志

余永陞英山人傭工養母母病割股和肉以療母歿廬墓三年

英山縣志

張玉珍六安人祖母病割股以愈六安州志

王樂財英山人父病割股廬父母墓各三年又監生胡雨霖母

歿廬墓

英山縣志

王保垣英山文生母歿廬墓三年

英山縣志

黃世著字鑑齋六安文生母疾篤嘗糞及卒哀毀骨立

六安州志

鄭保定字靜菴英山增生待詔銜父病嘗糞衣不解帶三月

英山縣志

馮祥六安人侍父病三年不離側及歿自負土以葬

六安州志

張錦六安人母病侍湯藥不離側三十餘年母歿兄弟析居錦

推讓受瘠產焉

六安州志

桂一枝六安人母歿守棺三年

六安州志

張正榮六安人侍父病六年不懈及歿以毀卒

六安州志

余孝子六安人失其名有瘖疾少孤為鄰牧牛人給之魚肉必

遺母既長傭工以養母歿負土為墳晚臥其側隨所得必祭其

母道光年

旌表

六安州志

聶維鏞字恭孚六安監生父歿廬墓三年叔母貧無依迎養終

其身

六安州志

盛大棰六安人母病親侍湯藥臥榻旁幾四十年及父母終以

毀卒

六安州志

沈賢甲霍山監生母患疽吮之曾祖沈世學嘗修保黎橋賢甲

續修之年終致廩粟於貧族邑火災潛給被火者錢米

霍山縣志

張昌祿霍山監生奉母甘旨自與妻子食糠粃母卒哀毀廬墓

霍山縣志

沈世昌字孔才霍山監生少孤孝母四十年如一日母卒守柩

四年廬墓七年

霍山縣志

黃周烈霍山監生父患癰一日三吮之遂瘳霍山縣志

王宏泰霍山人母患腹癰數年服勞侍疾不倦母卒茹素終身

霍山縣志

徐啟文六安徐啟山之弟也繼母疾刲肉和藥以愈六安州志

關世恩字廉臣六安歲貢性至孝母得風疾醫以鱔魚治之愈

世恩自此不食鱔弟生而盲世恩握其手作字教以音義竟能

作詩六安州志

黃志元霍山人父疾禱神求代竟愈父歿苦塊終喪以母老極

意奉事不解衣臥者十載霍山縣志

黃繼勸霍山人家貧奉父衣必裘帛食必甘旨而自奉極刻苦

父卒營墓宅傍朔望節忌日必具酒肴哭拜於墓霍山縣志

黃孔嘉霍山人父病勞嗽默禱得減越數年復病不起嘉哭絕

復蘇先書二兄事母我去事父八字於紙夜投塘死霍山縣志

高宗保六安人年十歲母歿退父所賃田價以市棺田主曰年

荒可藁葬畱田以自活泣曰兒可無田不忍母無棺也具斂以

葬六安州志

鄧松齡字心齋六安增生祖授以長孫田五十石松齡分給諸

弟居父母喪絕水漿數日六安州志

黃鎔六安文生推產讓弟獨償父遺夙債族叔無依生養喪葬

如禮六安州志

方捷字退軒霍山人從九品讓祖產於兄弟別置薄田自給霍山縣志

黃孔瑛霍山人少喪母事兩繼母及兩兄俱恭順兄以析產構

隙委曲彌縫之臨終戒子孫曰平心應物必於心所難平者平

之霍山縣志

吳廷美六安人侍母病六年不懈及歿哀毀骨立賊至守柩不去被害又查同春父歿臥柩側三年賊至不去被害六安州志
黃人儁字仲才六安廩生家貧孝養割股療母疾咸豐七年捻賊至一家遇害惟長子得脫

贈卹如例六安州志

金光俊六安人咸豐七年賊至祖父母櫬被焚俊號泣赴水死六安州志

張光輔六安增生母歿櫬未出賊至焚其室輔身殉之六安州志
石韞琰六安人幼喪母傭工養父及父歿既合葬賊至守墓不去竟死墓側六安州志

金守誥六安監生遇賊出金求釋其父兄既免與賊鬪死六安州志

陳秉鐸字小石六安增生兵荒出貸資聞其父為賊箠死馳歸大慟斂葬畢不食而卒六安州志

潘孔全六安人賊至願代父死賊并殺之六安州志

袁瞳六安人負母避賊賊近母投水瞳救之俱死六安州志

張冠士六安人咸豐八年捻匪竄至冠士謂母老請代死賊捨其母而殺冠士六安州志

汪祖安霍山人咸豐八年粵匪至負母逃遇賊度不能避命妻扶母走己力鬪死之霍山縣志

沈道存霍山人父被賊執奔往代死均遇害霍山縣志

高其科六安人咸豐七年賊至侍叔疾不去被害六安州志

黃繼勳英山文生咸豐十一年髮賊竄至因兄瞽不忍離同時遇害英山縣志

泗州

漢徐憲臨淮人居喪至孝白鳩巢於戶側太守鄭宏舉為孝廉

朝廷稱為白鳩郎

搜神記 會稽典錄 江南通志

宋王彭盱眙人元嘉初父喪家貧不能葬兄弟二人晝則傭力夜則悲號鄉里哀之為助力作輒輒須水而天旱墓去淮五里荷擔遠汲困而不周彭號天自訴輒輒前忽生泉水鄉鄰嗟異葬竟泉便自竭元嘉九年太守劉伯龍表其事改其里曰通靈里蠲租布三世

南史本傳

宋朱壽昌字康叔天長人以父巽蔭得官歷知岳閬二州及廣德軍弭盜辨姦皆有惠政壽昌母劉氏巽妾也巽守京兆劉氏方娠而出壽昌生數歲始歸母子不相聞五十年行四方求之不得熙甯初與家人訣棄官入秦曰不見母吾不反矣遂得之

於同州母時年七十餘迎以歸事聞詔還就官以養母故求通

判河中府數歲母卒居喪幾喪明既葬有白鳥集墓上

宋史本傳

明陳逵五河人幼喪父為邑吏例得選以不忍違母乞冠帶終

身母病刲股及卒廬墓三年

江南通志

蔡興泗州衛人父歿廬墓三年景泰閒旌

明史孝義傳敘

湯三聘泗州人父病篤三聘飲食俱廢刲股進復以口吮便處

父少安而三聘病歎曰父無恙予敢更求生哉竟不起

江南通志

楊芸泗州人母病刲股得愈妻侯氏亦以孝聞同州張桂王之

給年十六皆以母病刲股聞又楊見復母病篤刲左股進母少

安弟見和復刲右膊進遂愈

江南通志

蔣學顏盱眙廩生年十四母病刲股進得愈

江南通志

周夢兆泗州人父病刲左膊以進得愈又能善事繼母無閒言

江南通志

劉時暢虹縣人母病篤暢取糞嘗之味苦曰我母生矣果得愈

泗州通志

尤可進虹縣人父歿哀毀骨立廬墓三年終身不服紈綺

蔡景盛盱眙人正統閒以孝行旌同邑蔣東昇亦以孝行旌

縣志

李九標盱眙庠生親歿廬墓三年妻彭氏亦能孝事舅姑

沈一元盱眙廩生母病劇醫藥弗效與弟一中俱禱天割股以

進同邑宥瀆錢三漢皆割股療父劉崇孝王羸金陸德渾錢伸

李朝楹馮宗祥皆以割股療母聞

王大像天長人父歿廬墓三年時歸省母不入私室令其妻與

母同臥起母病痢嘗之以卜吉凶

王枝天長人父卒家貧驚於徽商念母涕泣徽商哀而歸之時
母已亡結廬墓側哀泣三年

蔣昉盱眙人其祖父至昉已四世同居正德九年淮水暴漲兄

蔣時臥病不及避昉抱兄緣杙泛水浪激兄溺就水負兄至岸

力盡並死越三日負兄屍泝流而上人咸異之事聞得旌

唐堯智天長人年十二母病割股作羹進之得愈後以貢授教

職升上津知縣時按臣屬鄭道察鄭陽七員奸宄株連百餘人

堯智曰吾何忍以百命博一官焚其藁忤上官意調王府長史

不就歸孫士俊以割股調母疾聞

馬應台天長人年十二母病割肝作羹其兄應星亦割股進母

同邑石梯年十四割股以愈父病許純忠亦年十四割股以療

繆悅道天長人田家子母病割肉熟之以啖母或教之曰誤矣須煮羹再割作羹以進得愈同邑許三選割股療父病不使人知有詢其事者曰此自不容己之情可以是聞於人耶江南通志

張嘉彥天長人割肝愈母病江南通志

蔣臚盱眙人萬歷間以孝行旌明史孝義傳敘

郭從仁五河人母疾奉侍湯藥廢寢食者數年每晨夕告天願以身代母病復起壽踰九十公舉孝行撫按皆以扁旌五河縣志

王贊化泗州人父卒於官奔走數千里負骸骨歸及葬廬墓三年終身縞素撫異母弟教之成立泗州志

國朝董官治天長諸生三割股愈父母病江南通志

李鸞瑞天長人母病嘗糞割股母隨愈後十年母又病鸞瑞再割右股療之江南通志

潘其綦天長人母病與弟其茂同日割股江南通志

孫中裕盱眙人割股療母病江南通志

俞士瑄天長歲貢父母及生母歿皆勺水不入口者數日哭不絕聲居喪三年不御酒肉冬不爐夏不扇後因修墓往反病暑而卒康熙四十三年

旌表建坊江南通志

劉芳名泗州人兩割股以愈母疾江南通志

戚怡泗州人年十歲割股療母疾江南通志

劉鼎盛天長人父病疽割股療之得愈同邑顧佃張士鉅又繆自守年十二皆以割股療父聞江南通志

李行恭天長人母病禱於城隍廟割股和藥母得愈同邑張宏業年十三母病至廟禱神割股取香灰掩痛處肉隨失欲復割

忽見肉所在歸煮以進母即霍然愈後宏業病其子庠生瑚亦
割股療而愈之

江南通志
天長縣志

繆士毅天長人順治間父為怨家所誣伏法妻妾及長子皆成
奉天士毅妾黃所出方三歲以育於姨得免既長遂出關尋母
三載不返妻改適子女皆死士毅至瀋則嫡母與兄已亡惟生
母黃又改撥烏喇士毅往尋見之資費盡辭母歸約再來奉母
返歸娶生子遂復往母又遷艾渾比至而母已卒士毅呼號墓
側遂廬其地不歸

天長
縣志

繆秉文士毅子也方士毅之復出關秉文不知後數年始得父
書言在艾渾侍母墓不歸矣遂請引出關尋父得見泣請回里
士毅遷延久之竟卒於墓所秉文在其地經營五年於雍正五
年始得扶柩歸而母已前卒乃合葬焉邑令旌其門曰兩代尋

親純孝之門

天長
縣志

葉英天長庠生英生周歲喪父母張氏矢志撫之張病英割股
以進得愈督學旌以母節子孝

江南通志
天長縣志

陳養廉陳其弼陳其蘊女陳氏王自明張儀胡時達王禪許國
祚皆天長人俱以割股救親聞

江南
通志

鄒廷材盱眙人事母至孝母年九十四材亦七十六矣母疾材
五日勺水不入口及卒抱母屍一慟而絕

盱眙
縣志

陳爾貞天長人父母皆為叔毒死爾貞六歲有弟兩歲心知其
事而不敢言誓不娶妻為弟畢姻乃置一刀銘日報仇乘叔醉
刺殺之而自投獄讞得其情從輕免死爾貞曰吾為父母而殺
叔豈可苟生遂投水死

天長
縣志

葉國士盱眙人其父為豪家所窘致縊國士訟官不得伸自投

縣側井以死

盱眙縣志

喬一貫盱眙庠生博學多技能尤工山水母病割股療之同邑
喬一昂陳帝言鄭錫侯李德煥路滄臨皆以割股療母聞又江
立德呂自成江源葉經鄧飛玉皆以割股療父聞

盱眙縣志

盱眙縣志

江之湘字楚壽泗州庠生三歲喪父母許氏育之年十一祖仁
宇卒喪葬盡禮如成人比長娶馬氏夫妻常侍母側祁寒暑雨
十餘年無閒馬先卒未幾母卒哀毀骨立及葬廬墓三年服闋
不復娶卒年七十九乾隆元年

旌表建坊

泗州志

孫繼禹泗州諸生母病困臥牀褥繼禹晝夜奉侍衣不解帶者
七年妻喬氏亦以孝聞

泗州志

石悠芳五河人父病著悠芳朝夕以舌舐之得復明病為管糞
既卒廬墓三年

五河縣志

黃慶椿天長人母病剝股以進得愈後祖母病又剝股以進亦
得愈

天長縣志

王一槐天長歲貢母顧為嫡母崇所遣而養於崇一槐幼不知
也崇將卒始告之喪葬畢乃貨產尋母因崇語以其母家近海
遂歷閩浙訪求不得還至泰州之東遇一嫗聞一槐為天長音
聲相詰問果其母也泣請歸而母不許竟不克迎

天長縣志

姚文高天長人方四歲母以歲歉賣之操舟者文高長猶憶家
在北門遂歸尋母訪求不得而去後再歸沿路訪之遇其舅遂
得見母

天長縣志以上舊志

徐穎績字辰聞天長舉人康熙中四川知縣奔母喪歸號慟七

日而隕天長縣志

戴蘭秀字蕙裳天長舉人潛心宋五子書父母相繼歿廬墓終

喪天長縣志

許寅字賓山泗州虹鄉人父卒擗踊泣血居母喪墓宿三年虹鄉志

徐廷桂泗州虹鄉人後母愛其所生子廷蘭逐廷桂外出廷桂

傭書以奉甘旨廷蘭旋殤後母又愛壻田財蕩盡晚苦貧廷桂

迎養焉虹鄉志

錢萬有天長人父獲罪當遣萬有引罪代配福建三十年遇赦

歸天長縣志

倪本壽魏連元俱天長人並割股煎湯愈母疾天長縣志

張翥南五河歲貢少孤善事繼母敬邱嫂教養兄子成立與四

弟金南友愛甚篤五河縣志

許肄三泗州虹鄉歲貢與父俱為捻逆所縛索馬取贖肄三願

為質令父歸取馬經宿不至賊欲殺之肄三曰我貧無馬父既

獲免見殺甘心賊義而釋之虹鄉志

曹基盱眙文生成豐九年賊至基侍母不去罵賊被害蒙

恩旌

王煥天長人咸豐九年粵賊再犯天長城陷父載榮不屈被戕

煥率眾斃賊數名剡心冥父遂哭死墓側天長縣志

王贊天長人咸豐九年父為賊所害贊殺賊祭父自刎而死是

年邵成業衛母被戕母得免天長縣志

袁見龍天長人見母施氏被戕與賊格鬪死胡學智奏案

刁振先天長人咸豐十年賊至欲殺其母請代被害母得免天長縣志

志

謝天其人氣豐十平想正始其掛前外

袁良節天其人良母誠天婦其

平將如業論世婦其母良

王贊天其人氣豐大平父為知

與卒眾獲顯奉合誠心與父淑

王與天其人氣豐大平母願再出天

曹基刊部文至氣豐大平想正基

謝良良味甘心想美而縣之

為得命父龍取思歸不王親為文

持其三四州破敵氣貞與父財

羊金南文變書

